

2-85

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԳԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

ՀՈՎՀԱՆՆԻՍՅԱՆ ՀԱՅԿԱԶ ԺՈՐԱՅԻ

ՊԱՏՄԱԳԻՏՈՒԹՅՈՒՆԸ ՈՒՍԱՍՏԱՆՈՒՄ 19-ՐԳ ԳԱՐՈՒՄ
/ ՀԱՅԱԳԻՏՈՒԹՅՈՒՆ /

Է. 00.01 Հայոց պատմություն մասնագիտությամբ
Պատմական գիտությունների դոկտորի
գիտական աստիճանի հայցման ատենախոսության

Ս Ե Ղ Մ Ա Գ Ի Ր

Ե Ր Ե Վ Ա Ն - 1 9 9 9

Ատենախոսության քեման հաստատվել է ՀՀ ԳԱԱ Պատմության
ինստիտուտում

Պատմական ընդդիմախոսներ՝ ՀՀ ԳԱԱ ակադեմիկոս
պատմական գիտությունների դոկտոր, պրոֆ
Գ. Բ. ՂԱՐԻՔՉԱՆՅԱՆ

պատմական գիտությունների դոկտոր
Վ. Ա. ԽԱՉԱՏՐՅԱՆ

պատմական գիտությունների դոկտոր, պրոֆ.
Վ. Գ. ԹՈՒՆՅԱՆ

Առաջատար կազմակերպություն՝ Մ. Մաշտոցի անվան
մատենադարան

Ատենախոսության պաշտպանությունը կայանալու է 28-ը
դեկտեմբերի 1999թ. ժամը 12⁰⁰ ին ՀՀ ԳԱԱ պատմության
ինստիտուտի պատմական գիտությունների դոկտորի գիտական
աստիճան շնորհող 004 մասնագիտական խորհրդի նիստում
/375019, Երևան, Սարշալ Բաղրամյան պող. 24 գ/:

Ատենախոսությանը կարելի է ծանոթանալ ՀՀ ԳԱԱ պատմության
ինստիտուտի գիտական կաբինետում:

Սեղմնագիրն առաքված է « 27 » նոյեմբերի 1999թ

Մասնագիտական խորհրդի գիտական
քարտուղար, պատմական
գիտությունների թեկնածու **ՄԵԼՔՈՆՅԱՆ Ա.Ա.**

ԹԵՄԱՅԻ ԱՐԳԻՎԱԿԱՆՈՒԹՅՈՒՆԸ ԵՎ ՀՐԱՏԱՊՈՒԹՅՈՒՆԸ

Հայոց պատմության բեկումնային ժամանակահատվածներում, երբ երկրի
քաղաքական կողմնորոշման խնդիրը վճռորոշ նշանակություն է ստանում, առիթ
է ստեղծվում կրկին գնահատել ու վերլուծել անցած ուղին, դասեր քաղել
պատմությունից: Բնականաբար, վերջին դարերի պատմության դասերը հուշում
են մեզ խորհել Հայաստանի և Ռուսաստանի, հայ և ռուս ժողովուրդների
քաղաքական շահերի ու նպատակների ընդհանրության շուրջ:

Արևելյան Հայաստանը Ռուսաստանին միացումով հայ ժողովրդի մի
հատվածն ազատվեց իր հարևանների մեջ տարալուծվելու վտանգից,
նպաստավոր պայմաններ ստեղծվեցին հայ ժողովրդի ազգահավաքման,
տնտեսության ու մշակույթի զարգացման համար: Դա անժխտելի իրողություն է
և արդեն պատմություն: Թեպետ ցարիզմը նվաճված ժողովուրդների նկատմամբ
վարում էր զաղուրային քաղաքականություն, այնուհանդերձ, Ռուսաստանի հետ
միանալուց հետո Հայաստանի տնտեսական, քաղաքական և մշակութային
կյանքը զգալի աշխուժացում ապրեց: Հանգամանք, ինչը հնարավոր չէր
Պարսկաստանի ու Թուրքիայի դարավոր բիրտ, ապա և վերջինիս կողմից
հետագայում որդեգրած հայաջինջ քաղաքականության հետևանքով:

Ատենախոսության նպատակը չէ վերաշարադրել, կամ էլ
վերարտադրել ռուս հեղինակների աշխատությունները: Դա անիմաստ
աշխատանք կլիներ: ՌԻՍՏԻ հիմնահարցը ներկայացվել է հետևյալ կերպ:
Ռուս հեղինակների աշխատություններում տեղ գտած հայագիտական նյութերը
քննարկվել են երկու գլխավոր տեսանկյունից. նախ՝ որքանով են այդ նյութերը
լրացնում հայոց պատմությունը և հիմք տալիս հայոց պատմության առանձին
հիմնահարցերի բարձր լուսարանությանը, երկրորդ՝ որքանով են այդ նյութերը
նպաստել հայ-ռուսական հարաբերությունների խորացմանը և թե ինչ աղերսներ
ունեն արդի ժամանակաշրջանի հետ: Այս առումով, հիմնահարցի
ուսումնասիրությունը այժմ էլ դեռ չի կորցրել քաղաքական իր հնչեղությունը:

Միաժամանակ, պատմագիտական գրականության վերլուծությունը
ցույց է տալիս, որ ինչպես նախկինում, այնպես էլ այժմ, պատմությունը կրկին
հայ ժողովրդի առջև դրել է նույն հիմնախնդիրները, թեպետ այդ
ժամանակվանից անցել է գրեթե երկու դար: Իսկ անցյալի դասերը միշտ էլ
ուսանելի են: Այսօր Հայաստանը և Ռուսաստանը ինքնիշխան պետություններ
են: Սակայն դա ամենևին չի խանգարում շարունակելու և խորացնելու
պատմության թելադրանքով ձևավորված երկու ժողովուրդների
հարաբերությունները: 1997թ. Մոսկվայում կնքված համաձայնագիրն արձա-
նագրում է հայ-ռուսական հարաբերությունների զարգացման նոր աստիճան և
նոր որակ: Այն ընդգրկում է հասարակական-քաղաքական կյանքի
ամենատարբեր ոլորտները, ինչը հիմք է տալիս այդ հարաբերությունների
հետագա խորացման համար:

ՀԵՏԱԶՈՏՈՒԹՅԱՆ ԺԱՄԱՆԱԿԱԳՐԱԿԱՆ ՇՐՋԱՆԱԿԸ

Հայագիտության զարգացումը Ռուսաստանում կարելի է բաժանել երեք

հիմնական փուլերի. 17-18-րդ դարերը հայագիտության սկզբնավորման ժամանակաշրջան էր: Այն մեզանում ուսումնասիրված է. նրան է նվիրված Ռ. Խաչատրյանի արժեքավոր աշխատությունը /Хачатрян Р.Г. Русская историческая мысль и Армения. Ереван, 1987/: Երկրորդ փուլն ընդգրկում է 19-րդ դարը: Երրորդ պատմափուլը 20-րդ դարն է: Այն հավանաբար հետազոտվելու է երեք ենթափուլերով՝ 20-րդ դարի նախախորհրդային տասնամյակները, խորհրդային շրջանը և հետխորհրդային ժամանակաշրջանը:

Ներկա ուսումնասիրության համար ժամանակագրական սահման է ընտրված 19-րդ դարը: Մի ժամանակաշրջան, երբ Ռուսաստանում ոչ միայն զարգացավ ռուս պատմագիտական միտքը և ստեղծվեց հայագիտական ուշագրավ գրականություն, այլև ընդլայնվեց պատմագիտական բուն հիմնահարցերով զբաղվողների շրջանակը, հարստացավ հետազոտությունների քեմատիկան: Մյուս կողմից, 19-րդ դարի բուռն իրադարձությունները, որոնք ընթանում էին կայսրությունում՝ կապված արտաքին և ներքին քաղաքական խնդիրների լուծման հետ, ռուս գիտնականներին ուղղակի մղում էին զբաղվելու Ռուսաստանին միացված մարզերի պատմության ուսումնասիրությանը: Պատմական վավերագրերի կողքին, որոնք անմիջականորեն վերաբերում էին տարածաշրջանում Ռուսաստանի վարած քաղաքականությանը, գիտական շրջանակներն են քափանցում նաև նորանվաճ ժողովուրդների պատմությանը վերաբերող աղբյուրներ և քարգմանական գրականություն: Այլ խոսքով՝ ընդլայնվում է նաև այդ ժողովուրդների պատմության ուսումնասիրության համար անհրաժեշտ աղբյուրագիտական հենքը:

ՌԻՍՈՒՄԵԱՍԻՐՈՒԹՅԱՆ ՆՊԱՏԱԿԸ ԵՎ ԽՆԳԻՐՆԵՐԸ:

Ներկա ուսումնասիրության նպատակն է երկու ժողովուրդների գիտության մարզում ունեցած հարաբերությունների հետազոտումը: Հիմնահարց է ընտրված հայագիտության կարևոր ու տարողունակ ճյուղերից մեկը՝ պատմագիտությունը:

Քննարկելով 19-րդ դարի հայագիտությանը վերաբերող հարցերը, ավելի ամբողջական ու առարկայական է դառնում Ռուսաստանում նրա զարգացման միտումները, դրանով պայմանավորված նաև՝ հայ մշակույթի որոշակի առաջընթացը: Հայագիտական հարցերի քննարկումը որոշ առումով նաև քաղաքական միտումների լուսաբանում է, քաղաքական շահերի ու իրավիճակի բնորոշում: Այստեղից էլ ուսումնասիրության մյուս կարևոր նպատակը. մեկ անգամ ևս ընդգծելու հայ-ռուսական հարաբերությունների հետագա խորացման անհրաժեշտությունը, նրա անցած ուղու և դասերի արդիական նշանակությունը:

Խորհրդային միության փլուզմանը նախորդած տարիներին միության նախկին հանրապետություններում, այդ թվում և Հայաստանում, փորձեր եղան վերագնահատելու հայ-ռուսական հարաբերությունները: Այդ ընթացքում հանդիպեցին նաև ծայրահեղություններ, երբեմն էլ չափից ավելի գրաց-մունքային մոտեցումներ: Պատմաբանն իրավունք չունի ենթարկվելու քաղաքական մեթոդաբան տարրերումներին: Նա պարտավոր է ներկայացնել գիտականորեն հիմնավորված իրողությունը, ճշմարտությունը: Արդարև, ճշմարտության միակ չափանիշը հայ-ռուսական հարաբերությունների իրական պատմությունն է և մեր ժամանակների խորհուրդը: Ի պատիվ հայ պատմաբանների, պետք է նշել, որ հրապարակ նետված քաղաքականամետ

այդ կարծիքներին նրանք տուրք չտվեցին: Մեր պատմագիտությունը համակողմանի ուսումնասիրում և նշանակալի ներդրում է կատարում հայ-ռուսական հարաբերությունները ճշմարտության դիրքերից լուսաբանելու խնդրում:

Խնդրո առարկա հարցի ուսումնասիրությանը ձեռնամուխ ենք եղել հայագիտության բնագավառում ռուս և հայ հեղինակների կողմից 19-րդ դարում ստեղծած մեծածավալ ու ուշագրավ գրականությունը քննությամբ հանրագումարի բերելու նպատակով: Ուսումնասիրության նպատակն է նաև համակողմանիորեն պատմաբնական վերլուծության ենթարկել 19-րդ դարի հայագիտությանը միտված ուսումնասիրությունները և դրանց հիման վրա կատարել համապատասխան ընդհանրացումներ, ջանացել ենք ներկայացնել հայոց պատմության հարցերի վերաբերյալ ռուս հեղինակների հաճախ իրարամերժ տեսակետներն ու մոտեցումները, ընդգծել ընդունելի: Համադրելով առանձին հեղինակների արտահայտած կարծիքներն ու հաղորդած փաստական տեղեկությունները, փորձ ենք արել նաև որոշակիություն մտցնել հայոց պատմության առանձին հարցերի ուսումնասիրության խնդրում: Միաժամանակ խնդիր ենք ունեցել .

- ցույց տալ հայագիտական հետազոտությունների հիմնական ուղություններն ու միտումները:
- լուսաբանել այդ ուսումնասիրությունների ի հայտ գալու պատմական նախադրյալները:
- ներկայացնել և քննական վերլուծության ենթարկել ռուս և հայագիտական հեղինակների աշխատությունները, որոնք բնորոշում են Ռուսաստանում հայագիտության ուսումնասիրության աստիճանը:

Խնդրո առարկա հարցի ուսումնասիրության ընթացքում մենք հանդգնեցինք, որ բոլոր այս հարցերը հստակ հետազոտության և տեսական ընդհանրացումների ու հիմնավորումների կարիք ունեն: Ատենախոսության մեջ քննարկվող հարցերի կոնկրետ վերլուծության ընթացքում մենք ձգտել ենք ղեկավարվել պատմականության սկզբունքը պահպանելով:

Հայ ժողովրդի ճակատագրի, նրա ձգտումների ու ակնկալիքների, նրա անցած պատմական ուղու հանդեպ հետաքրքրությունը գնալով աճում էր ինչպես բուն Ռուսաստանում, այնպես էլ նրա սահմաններից դուրս: Հետևաբար, հայոց պատմության ուսումնասիրումը որոշ իմաստով նպաստում էր նաև հայ ժողովրդի առջև ծառայած քաղաքական խնդիրներին:

ՀԻՄՆԱՀԱՐՑԻ ԱՂԱՅՈՒՐԱԳԻՏԱԿԱՆ ՀԵՆՔԸ ԵՎ ՌԻՍՈՒՄԵԱՍԻՐՈՒԹՅԱՆ ԱՍԻՃԱՆԸ:

Ռուսումնասիրության համար աղբյուրագիտական հիմք են ծառայել ռուս և հայ հեղինակների այն աշխատություններն ու հրապարակումները, որոնք անմիջականորեն վերաբերում են Հայաստանին ու հայոց պատմությանը: Այս իմաստով, ատենախոսությունում առավելապես քննության են առնվել ռուսերեն լեզվով լույս տեսած գրականությունը: Այդ ուսումնասիրությունները հարուստ և ուշագրավ նյութեր են պարունակում Հայաստանի սոցիալ-տնտեսական, քաղաքական և մշակութային պատմության վերաբերյալ: Արժեքավոր տեղեկություններ կան նաև հայկական գաղթաբալայրերի, արևմտահայության ծանր կացության և այլ հիմնահարցերի մասին: Այդ ուսումնասիրությունների

պատմագիտական կարևոր նշանակությունը կայանում է նրանում, որ դրանց գերակշիռ մասը շարադրված են արխիվային վավերագրերի հիման վրա, որոնք հայոց պատմության ուսումնասիրության խնդրում, անշուշտ, ձեռք են բերում աղբյուրագիտական նշանակություն:

Հայ-ռուսական հարաբերությունների պատմության, Արևելյան Հայաստանը Ռուսաստանին միացման հիմնահարցերի ուսումնասիրությունը մշտապես գտնվել են խորհրդահայ պատմաբանների ուշադրության կենտրոնում: Հիմնահարցի ուսումնասիրության վերաբերյալ ստեղծված է պատկառելի գրականություն¹: Այս առումով, անհրաժեշտ է արժանին մատուցել հայ պատմագիտությանը և ընդգծել այն իրողությունը, որ հայ-ռուսական հարաբերությունների պատմությունը գիտական պատշաճ ուսումնասիրության արժանացավ հատկապես խորհրդահայ պատմագիտության կողմից: Հայ-ռուսական հարաբերությունների պատմության ուսումնասիրության խնդրում կարևոր արժեք են ներկայացնում նաև հայ գիտնականների կողմից ամենատարբեր բնույթի արխիվային փաստաթղթերի և նյութերի հրատարակումները²:

Բարձր գնահատելով հայ պատմաբանների կողմից կատարված աշխատանքը, որի արդյունքում ստեղծվեց հայ-ռուսական հարաբերությունների պատմության հատկապես հարուստ գրականություն, այնուհանդերձ, պետք է նշել, որ այդ պատմությանը վերաբերվող ոչ բոլոր բնագավառներն են հավասարաչափ ուսումնասիրվել: Ասվածը հատկապես վերաբերում է հայագիտական հարցերի ուսումնասիրությանը: Ընդ որում, որպես կանոն, ռուս

պատմագիտական միտքը ներկայացվել ու քննարկվել է միևնույն ելակետերից և միայն ընդհանուր գծերով: Ավելին, նրանց միջև տարբերակում չի դրվել: Մեր պատմագիտությունը թերևս թերացել է Արևելյան Հայաստանը Ռուսաստանին միացման և առհասարակ հայ-ռուսական հարաբերությունների լուսաբանման ռուս պատմագիտական մտքի գնահատության հարցում: Մինչդեռ, թեպետ նրանց ուսումնասիրություններում առկա են մոտեցումների ու տեսակետների որոշ նմանություններ, այնուհանդերձ, նրանցից յուրաքանչյուրի գիտական ժառանգության մեջ կան բազում տարբերություններ: Այդ հանգամանքն ավելի որոշակի է դարձնում նրանց պատմագիտական ժառանգության նկատմամբ հետաքրքրությունը:

Միևնույն ժամանակ, հարկ է նշել, որ յուրաքանչյուր ուսումնասիրություն ունի իր առանձնահատուկ դժվարությունները, առավել ևս եթե այն վերաբերում է պատմագիտական բնույթի հետազոտություններին: Այդ իմաստով, մեկ աշխատության սահմաններում հնարավոր չէ մանրամասն ու հանգամանորեն անդրադառնալ պատմագիտական այն հսկայական գրականությանը, որը ստեղծվել է Ռուսաստանում 19-րդ դարի ընթացքում: Բնականաբար, ուսումնասիրությունից կարող են դուրս մնալ ամեն ինչ առանձին հրատարակություններ և հրապարակումներ. որոնք սիմվոլիկ են ամենատարբեր հրատարակություններում և ռուսական մամուլի էջերում: **ՌԻՍՈՒՄԵՆԱԻՐՈՒԹՅԱՆ ԳԻՏԱԿԱՆ ՆՈՐՈՒՅԹԸ:** Ատենախոսությունն առաջին փորձն է ներկայացնելու և ամբողջացնելու 19-րդ դարում Ռուսաստանում ստեղծված հայագիտական գրականությունը, նրա զարգացման միտումներն ու ուղղությունները: Չնայած ռուս հեղինակների առանձին աշխատությունների քննարկումը տեղ են գտել հայ-ռուսական հարաբերությունների պատմության հարցերին նվիրված ուսումնասիրություններում, սակայն դրանք մեծ մասամբ համառոտ անդրադարձներ են և լուսաբանվել են իրենց հետաքրքրող թեմաների առնչությամբ միայն:³

¹ Ств' Иоаннисян А..Р. Россия и армянское освободительное движение в 80-х годах XVIII столетия. Ереван, 1947, Присоединение Закавказья к России и международные отношения в начале XIX столетия, Ереван, 1958, Ներսիսյան Մ.Գ., Դեկաբրիստները Հայաստանում, Երևան, 1978, Հայերի մասնակցությունը 1877-1878թթ. ռուս-թուրքական պատերազմին, Երևան, 1958, Պատմության կեղծարարները, Երևան, 1998, Գալոյան Գ.Ա. Ռուսաստանը և Անդրկովկասի ժողովուրդները, Երևան, 1978, Россия и народы Закавказья, М., 1976. Բարխուդարյան Վ.Բ. Ոսկանյան Վ., Հայ-ռուսական պատմական կապերը և Արևելյան Հայաստանի միացումը Ռուսաստանին, Երևան, 1978, Բարխուդարյան Վ.Բ. Նոր Նախիջևանի հայկական գաղութի պատմություն, Երևան, 1985, Միքայելյան Վ.Ա., Դրիմի հայկական գաղութի պատմություն, գիրք 1-2, Երևան, 1964, 1970, Դրիմահայոց պատմություն, Երեվան, 1989, На Крымской земле, Ереван, 1974, Агаян Ц.П. Роль России в исторических судьбах Армении, М., 1978, Гарибджанян Г.Б. Страницы истории Армянского народа Ереван, 1998, Ананян Ж. А., Хачатурян В. А., Армянские общины России, Ереван, 1993, Պարսիսյան Վ.Ա., Ա.Ս.Գրիբոյեդովը և հայ-ռուսական հարաբերությունները, Երևան, 1947, Ռուսաստանը և հայ ժողովրդի պատմական քախար, Երևան, 1978 և ուրիշներ:

² Ств' Армяно-русские отношения в XVII в, сб., док., т.1, Ереван, 1953, Армяно-русские отношения в XVIII, сб., док., т. II, ч.1-2, Ереван, 1964, 1967, Армяно-русские отношения в XVIII в. сб. док., т.3, Ереван, 1978, Присоединение Восточной Арменнии к России, сб. док., т.1-2, Ереван, 1972, 1978, Из истории вековой дружбы, сб. Статей, Ереван, 1983.

³ Ств' Գրիգորյան Չ.Տ., , Հայ և ռուս ժողովուրդների դարավոր բարեկամությունը, Երևան, 1960, Արևելյան Հայաստանի միացումը Ռուսաստանին և նրա պատմական նշանակությունը, Երևան, 1978, Դիլոյան Վ.Ա. Արևելյան Հայաստանը 19-րդ դարի առաջին երեսնամյակին և հայ-ռուսական հարաբերությունները, Երևան, 1989, Ոսկանյան Վ.Կ. Հայ ժողովրդի ռուսական կողմնորոշման հարցը միջնադարյան պատմագրության մեջ, ԳԱ «Տեղեկագիր» 1957, N 3, Арешян С.Г. Из предистории арменоведения в России, Изв. АН, 1955, N 1, Кюркчян А.А. Русско-иранская война 1826-1828гг. Новые концепции современной историографии, Ереван, 1991. Тунян В.Г., Восточная Армения в составе России /1828-1853/ Ереван, 1989, А.С. Грибоедов и Армения, Ереван, 1995, Россия и Армения, Ереван, 1998, Россия и армянский вопрос, Ереван, 1998, Պողոսյան Ա.Մ., Ռուս-հայ բարեկամության պատմությունից, Երևան, 1974, Սարովանյան Ն.Բ. Արևելյան Հայաստանը Ռուսաստանին միացման պրոբլեմը մինչհեղափոխական հայ պատմագիտության մեջ, Երևան, 1971, Մուրադյան Մ.Ա. Արևելյան Հայաստանի միացումը Ռուսաստանին 19-րդ դարի ռուսական պատմագիտական և հասարակական մտքի գնահատմամբ, Երևան, 1985, Восточная Армения в русской историографии XIXв. Ереван, 1990 և ուրիշներ:

ՈՒՍՈՒՄՆԱՍԻՐՈՒԹՅԱՆ ՓՈՐՁԱՔՆՆՈՒԹՅՈՒՆԸ: Ատենա-
խոսությունը քննարկվել և պաշտպանության է երաշխավորվել ՀՀ ԳԱԱ
պատմության ինստիտուտի Նոր պատմության, Արցախը և հայ-ռուսական
հարաբերությունները բաժինների համատեղ նիստում:

Ատենախոսության հիմնական բովանդակությունը հրապարակվել է
հեղինակի առանձին մենագրությունում և վեց հոդվածներում: Ատենախոսու-
թյան նյութերը զեկուցվել են ՀՀ ԳԱԱ պատմության ինստիտուտի գիտական
խորհրդում և միջազգային գիտաժողովում:

ԱՇԽԱՏԱՆՔԻ ԿԻՐԱՌԱՎԱՆ ՆՇԱՆԱԿՈՒԹՅՈՒՆԸ:

Ատենախոսությունն ունի գործնական որոշակի նշանակություն: Նրանում
բովանդակող նյութերն ու եզրակացությունները կարելի է օգտագործել հայ-
ռուսական հարաբերությունների պատմության վերաբերյալ ընդհանրացնող
աշխատություններ ստեղծելիս: Այն օգտակար կարող է լինել
նաև պատմագիտական հարցերով զբաղվող մասնագետների համար: Կարծում
ենք, որ ներկա ուսումնասիրությունում հայ-ռուսական հարաբերությունների
վերաբերյալ փաստական շատ նյութեր թերևս կօգնեն կողմնորոշվելու
հասարակական-քաղաքական այն բարդ իրավիճակում, որում ներկաումն
հայտնվել է Հայաստանի Հանրապետությունը: Այս առումով աշխատության
գործնական նշանակությունը պայմանավորված է նաև Հայաստանի
Հանրապետության և Ռուսաստանի դաշնության միջև գնալով խորացող
բազմակողմանի հարաբերություններով:

ՀՆՏԱԶՈՏՈՒԹՅԱՆ ՄԵԹՈԳԱՔԱՆՈՒԹՅՈՒՆԸ:

Ատենախոսությունը շարադրված է 19-րդ դարում Ռուսաստանում լույս տեսած
հայագիտական գրականության քննախույզ հետազոտության հիման վրա:
Ուսումնասիրությունը կատարվել է պատմաքննական վերլուծության,
պատմագրական և պատմական գործոնների համադրման և
փոխկապակցության հիման վրա՝ հիմք ունենալով պատմական ճշմարտությունն
ու անկողմնակալությունը:

**ԱՏԵՆԱՆՈՍՈՒԹՅԱՆ ԿԱՌՈՒՅՎԱԾՔԸ ԵՎ ԲՈՎԱՆԳԱ-
ԿՈՒԹՅՈՒՆԸ:** Աշխատանքը բաղկացած է ներածությունից, երեք գլուխներից,
վերջաբանից, օգտագործված գրականության ցանկից: Ընդհանուր ծավալը
կազմում է 381 էջ:

ՆԵՐԱԾՈՒԹՅԱՆ մեջ հիմնավորված է հիմնահարցի
արդիականությունը, գիտական նորությունն ու գործնական նշանակությունը,
նշված են նրա նպատակներն ու խնդիրները, տրված է խնդրո առարկա հարցի
ուսումնասիրության աստիճանը:

**ԱՌԱՋԻՆ ԳԼՆՈՒՄ՝ «ՀԱՅԱԳԻՏՈՒԹՅՈՒՆԸ ՌՈՒՍԱՍ-
ՏԱՆՈՒՄ 19-ԲԴ ԳԱՐԻ ԱՌԱՋԻՆ ԿԵՍԻՆ»** ներկայացված է
Ռուսաստանում հրատարակված հայագիտական գրականության
պատմաքննական վերլուծությունը: Ատենախոսության այս մասը բաժանված է
երկու առանձին ենթագլուխների:

Ենթագլուխներից առաջինը կրում է «ՀԱՅԱՍՏԱՆԸ ԵՎ ՀԱՅՈՅ
ՊԱՏՄՈՒԹՅԱՆ ՀԱՐՅԵՐԸ 19-ԲԴ ԳԱՐԻ ԱՌԱՋԻՆ ԿԵՍԻ ՌՈՒՄ
ՀԵՂԻՆԱԿՆԵՐԻ ԱՇԽԱՏՈՒԹՅՈՒՆՆԵՐՈՒՄ» վերնագիրը: Հայ և ռուս
ժողովուրդների պատմական կապերի, հայ ժողովրդի պատմության
ուսումնասիրությունը Ռուսաստանում պայմանավորված էր 19-րդ դարի սկզբին

հայ-ռուսական հարաբերություններում կատարված էական տեղաշարժերով:
1826-1828 թթ. ռուս-պարսկական պատերազմի արդյունքում Արևելյան
Հայաստանը միացվեց Ռուսաստանին: Բնականաբար նոր հունի մեջ մտած
տնտեսական, քաղաքական և մշակութային կապերն իրենց արտացոլումը
պետք է գտնենին ռուս հեղինակների ուսումնասիրություններում: Մյուս կողմից,
19-րդ դարի առաջին կեսի հայագիտական հրատարակություններում հայոց
պատմության հիմնահարցերը ամբողջական ընդգրկում չունեցան և խորը
հետազոտության առարկա չդարձան: Հայաստանի և հայոց պատմության
ուսումնասիրությունը տակավին կրում էր մակերեսային բնույթ: Այս ամենը,
հարկավ, ուներ իր պատճառները և պայմանավորված էր տարածաշրջանում
Ռուսաստանի հետապնդած ռազմաքաղաքական հիմնական նպատակներով:
Կայսրությունում շեշտն առաջին հերթին դրվում էր նորանվաճ երկրների
վարչական վերակառուցման ու տնտեսական յուրացման վրա: Այդ էր
պատճառը, որ 19-րդ դարի առաջին կեսին, երբ դեռ բացակայում էին Կովկասի
մասին հիմնարար հետազոտությունները, Ռուսաստանում առավելապես
տիրապետում էին ակնարկների և նկարագրությունների տեսքով գրված
ուսումնասիրությունները: Դրանք հիմնականում ճանաչողական բնույթի գործեր
էին, որոնցում ընդհանուր գծերով ներկայացվում էր Կովկասը, նրա
բնակչությունը, զբաղմունքը, հաղորդվում էր վիճակագրական բնույթի այլ
տեղեկություններ: Եվ այնուհանդերձ այդ ուսումնասիրություններում, անշուշտ,
առկա էին նաև պատմական հետաքրքրություն ներկայացնող նյութեր, որոնք
վերաբերում էին ինչպես Հայաստանին, այնպես էլ Անդրկովկասի մյուս
երկրամասերին: Այլ խոսքով՝ 19-րդ դարի առաջին կեսը Ռուսաստանում բուն
հայագիտության ձևավորման ժամանակաշրջան էր միայն:

Խնդրո առարկա հարցը համակողմանի քննարկելու նպատակով
առանձնացված են հետևյալ հիմնախնդիրները.

Հին Հայաստանը՝ ռուս հետազոտողների աշխատություններում: 19-րդ
դարի առաջին կեսի հայագիտական հրատարակությունների շարքում
հատկապես առանձնանում է Ս.Ն.Գլինկայի «Հայ ժողովրդի պատմության
տեսություն» աշխատությունը⁴: Ռուս նշանավոր հայագետի այս
ուսումնասիրությունը մինչ օրս մեզանում արանձին քննարկման առարկա չի
դարձել, եթե նկատի չունենանք որոշ հրատարակություններում նրա մասին
եղած հիշատակումները: Մինչդեռ Ս.Գլինկայի հայագիտական
ժառանգությունը կարոտ է պատմագիտական լուրջ քննարկման: Նրանում
հեղինակն ընդգծում է հայոց պատմության ուսումնասիրության նշանակությունը
և բարձր է գնահատում նրա տեղն ու դերը համաշխարհային պատմության մեջ:
Ս.Գլինկայի պատկերացմամբ պատմության մեջ ամենից կարևորը ժողովրդի
բարոյական ոգու բնութագրումն է, պատմության մեջ նրա թողած արգասավոր
հետքը: Ավելին, հայոց պատմությունը քննելիս Ս.Գլինկան հետամտտ է եղել
գտնելու այդ դեպքերի ու անցքերի համամարդկային բարոյական
նշանակությունը: Դժվար չէ նկատել, որ պատմագիտական առումով, այն հեշտ
գործ չէր, և հենց դրանում է Ս.Գլինկայի ուսումնասիրության հայագիտական,
եթե ոչ գլխավոր, ապա կարևոր արժեքը: Հեղինակը միաժամանակ, հայ

⁴ Տե՛ս՝ С.Н.Глинка, Обзорение истории армянского народа, М., 1832-1833

ժողովրդին ներկայացնում է որպես ժողովուրդների գոյատևման չափանիշ. քե ինչպես մի ժողովուրդ, որն անցել է այդքան փորձությունների և դժվարությունների միջով, կարողացել է դիմակայել և պահպանել իր ինքնությունը: Աշխատության մեջ բազմիցս շեշտվում է այն հանգամանքը, որ հայերը բարոյական բարձր կերպար ունեցող ժողովուրդ են:

Գրքի հայագիտական կարևոր արժանիքներից մեկն էլ այն է, որ Ս.Գ. լինկայի հատկապես կարևորում է հայերի խաղաղամտ դերը Եվրոպայի և Ասիայի միջև աշխույժ առևտրի կազմակերպման գործում: Հեղինակն այդ երևույթը համարում է հայ ժողովրդի կենսունակությունն ու առաջադիմությունը խթանող հիմնական լծակ: Նրա համոզմամբ Հայաստանը մշտապես «գործուն կամ կողմնակի մասնակցություն է ունեցել Ասիայի կարևոր իրադարձություններին, որոնք կատարվել են քաղաքական, ռազմական և դավանանքի ասպարեզներում»⁵:

Ս.Գ. լինկայի «Հայ ժողովրդի պատմության տեսության» տրամաբանական շարունակությունը հանդիսացավ «Հայ ժողովրդի պատմության տեսությանը վերաբերող վավերագրերի ժողովածուի» հրատարակությունը⁶: Այս ծավալուն աշխատանքը, որը փութաջան աշխատասիրության արդյունք է, հայ ժողովրդի և հայ-ռուսական հարաբերությունների պատմության մասին հանրագիտարանային բնույթի գործ է: Այնտեղ ամփոփված են բառիս բուն իմաստով այն ամենը, ինչն անմիջականորեն կամ անուղղակի առընչվում են հայ-ռուսական հարաբերությունների պատմության հետ: Եվ եթե դժվար է սույն բեմայի առընչությանը առաջնություն տալ պատմագիտական որևէ գործի, ապա այս ժողովածուի նկատմամբ բացառությունն այդ իմաստով ուղղակի անհրաժեշտություն է: Վստահորեն կարելի է նշել, որ 19-րդ դարի հայագիտական մյուս ուսումնասիրությունների մեջ այս աշխատանքն արժանի է այդ բնագավառի լավագույն գործերից մեկը համարվելուն:

Հին Հայաստանի պատմության հիմնահարցերը քննարկվել են նաև ռուս այլ հեղինակների գործերում: Հետաքրքիր որոշ մտքերի կարելի է հանդիպել Պ. Ջուրովի աշխատությունում⁷: Ուսումնասիրությունը սակայն, գիտական խոր հետազոտություն համարել չի կարելի. այն առավելապես հանրամատչելի գրականության բնույթ ունի:

Հայ-ռուսական հարաբերությունների պատմությունը ռուս հեղինակների գնահատմամբ: Հաջորդ կարևոր հիմնախնդիրը, որը բավականին ուշադրության է արժանացել ռուս հեղինակների կողմից, 19-րդ դարի սկզբին կայսրությանը միացված մարզերի քաղաքական, տնտեսական օգտավետության հարցն էր: Այդ հիմնահարցին անդրադարձել են հրատարակված գրքերն բոլոր ուսումնասիրություններում: Այստեղ էլ առաջնեկության իրավունքը պատկանում է Ս. Գ. լինկային: Նրա «Հայ ժողովրդի պատմության տեսությունում» զգալի տեղ է հատկացված նաև հայ-ռուսական

հարաբերությունների պատմության լուսաբանմանը: Հենց սկզբից նկատենք, որ հեղինակն այս հարցում հանդես է եկել որպես շահագրգիռ կողմ և գրքում բերում է Կիևյան Ռուսիայի ժամանակներից սկսած հայ-ռուսական հարաբերությունների պատմականությունն ապացուցող բազում փաստեր: Այս առումով Ս. Գ. լինկայի աշխատությունը դառնում է նաև սկզբնաղբյուր, քանի որ հեղինակը մանրամասն ներկայացնում է բնութագրում է այն վկայությունները, որոնք վերաբերում են հայ-ռուսական հարաբերությունների պատմության սկզբնավորմանն ու նրա հետագա զարգացմանը:

Բեղմնավոր աշխատանքի արդյունք հանդիսացող այս աշխատանքը, այնուհանդերձ Ս. Գ. լինկայի առաջին գործը չէր հայագիտության բնագավառում: Մինչ այդ հրատարակի վրա արդեն կար Արևելահայերի գաղթի նկարագրությանը նվիրված արժեքավոր աշխատությունը⁸: Հեղինակն այստեղ ոչ միայն նկարագրել է արևելահայերի գաղթը, այլև ամփոփել և գնահատել է 1826-28թթ. ռուս-պարսկական պատերազմը, հանրագումարի բերել Ռուսաստանի արևելյան քաղաքականության հիմնական արդյունքները: Եվ եթե մեր պատմագիտությունը շեշտը դնում է ազգահավաքման օջախի փաստի վրա, Գ. լինկան քննելով արևելահայերի գաղթի արդյունքները, դրանում առաջին հերթին տեսնում էր Ռուսաստանի հարավային սահմանների ամրապնդում:

Եթե Ս. Գ. լինկան համակողմանի մոտեցում է դրսևորել Ռուսաստանի ռազմաքաղաքական նպատակների հարցում ունեցած իր խորհրդածություններում, ապա նույնը չի կարելի ասել դարասկզբի ռուսական մյուս հրատարակությունների մասին: Այսպես, վերը հիշատակված Պ. Ջուրովի աշխատանքի ներածականն ուղղակի վերնագրված է. «Կովկասյան երկրամասի կարևորության և գաղութացման ուղիների մասին»: Հայաստանի և հայ ժողովրդի մասին Պ. Ջուրովի արտահայտած կարծիքներին ու մտորումներին ծանոթությունը միանգամից ակնառու է դարձնում հարցին մեծապետական դիրքերից հեղինակի մոտեցումները: Պ. Ջուրովի գրքին մոտ է կանգնած 19-րդ դարի սկզբի մեկ այլ ռուս հեղինակի՝ Օ. Եվեցկու աշխատությունը⁹: Հայաստանի վերաբերյալ պատմագիտական նյութն այստեղ ևս սակավ է: Նույնը կարելի է ասել նաև Անդրկովկասի վիճակագրական, ազգագրական, տեղագրական և ֆինանսական հարցերին նվիրված տեսության մասին:¹⁰ Պատմագիտական առումով, թերևս ուշագրավ նյութեր կան Ն. Նեֆեդևի «Հայացք հայկական մարզին» գրքույկում¹¹, որը Հայկական մարզի ուսումնասիրության առաջին փորձերից մեկն էր:

Ատենախոսության հաջորդ ենթագլուխը վերնագրված է՝ «**ՏԱՅ ՀԵՂԻՆԱԿՆԵՐԻ ՀԱՅԱԳԻՏԱԿԱՆ ԳՈՐԾՈՒՆԵՆՈՒԹՅՈՒՆԸ ՌՈՒՍԱՍՏԱՆՈՒՄ 19-ԲԳ ԳԱՐԻ ԱՌԱՋԻՆ ԿԵՍԻՆ**»: 19-րդ դարի առաջին երեսնամյակին Անդրկովկասը կայսրությանը միացնելուց հետո ստեղծվեց մի իրավիճակ, որն ընդհանուր էր այնտեղ բնակվող բոլոր հպատակ ազգերի համար: Սկսվում է համեմատաբար խաղաղ առաջադիմության

⁵ Նույն տեղում 4. I, էջ 6:

⁶ Стів Собрание актов относящихся к обозрению истории армянского народа, ч. I-III, М. 1833-1838 гг.

⁷ Стів П. Зубов, Картина Кавказского края, принадлежащего России и сопредельных оному земель в историческом, статистическом, этнографическом, финансовом и торговом отношениях, СПб, 1835.

⁸ Стів С. Н. Глинка, Описание переселения армян аддербиджанских в пределы России, М., 1831.

⁹ Стів О. Евецкий, Статистическое описание Закавказского края, СПб, 1835.

¹⁰ Стів. Обзорение российских владений за Кавказом, СПб, 1836.

¹¹ Стів. Н. Нефедьев, Взгляд на Армянскую область, СПб, 1839.

ժամանակաշրջան: Արդեն դարակզբին հայերն ապացուցեցին, որ գտնվելով օտարի տիրապետության տակ, չեն կորցրել բարոյական իրենց ներուժն ու գիտակրթական ավանդույթները: Այդ ընթացքում Ռուսաստանում նպաստավոր նախադրյալներ ստեղծվեցին հայագիտության աստիճանական առաջընթացի համար: Այդ առաջընթացի սկզբնավորողը դարձավ սկզբում Մոսկվայի Լազարյան ճեմարանը, իսկ այնուհետև Թիֆլիսի Ներսիսյան դպրոցը: Ռուսի պատահական չէր, որ 19-րդ դարի հայագիտության երախտավորները հատկապես այդ դպրոցների ուսուցիչներն ու շրջանավարտներն էին:

Թեպետ, դարի առաջին կեսի հայագիտական ուսումնասիրությունները գիտական առումով սահմանափակ հետազոտություններ էին, սակայն մյուս կողմից, հարկ է նշել, որ նույն ժամանակաշրջանի ռուս հեղինակների ուսումնասիրությունների համեմատ, հայ հեղինակները գիտական վերլուծության տեսակետից մի քայլ առաջ էին իրենց ռուս գործընկերներից: Նրանց աշխատանքներին հատուկ էր հայոց պատմության պատմա-քննական վերլուծությունը, նկատելի էր աղբյուրների ու գրականության անհամեմատ խորը իմացությունը: Եվ եթե ռուս հեղինակները, բացառությամբ Ս.Գ.Ինկայի, չունեին հայոց պատմության աղբյուրագիտության պատրաստություն, ապա հայ հեղինակները դրա պակասը չունեին: Հակոբ և Դավիթ Արզանովները Լազարյան ճեմարանի լավագույն սաներից էին, իսկ Ա. Խոդաբաշյանը ոչ միայն քաջածանոթ էր հայ պատմական գրականությանը, այլև ուներ դրանց հարուստ գրադարանը:

Պատմագիտական տեսակետից հայ հեղինակների գործերը մեկ այլ առավելություն ևս ունեին: Եթե ռուս պատմաբանները հայոց պատմությանն անդրադառնում էին ամենից առաջ Ռուսաստանի ռազմա-քաղաքական նպատակների ու շահերի տեսանկյունից, ապա հայ հեղինակներն իրենց խնդիրը տեսնում էին Հայաստանի պատմական հարուստ անցյալի հերոսական էջերը ռուս ընթերցողին ներկայացնելու մեջ: Այդ երևույթն, անշուշտ, ուներ իր բացատրությունը: Դարակզբում Կովկասում ընթացող իրադարձությունները, պատմական Հայաստանի մի մասի միացումը կայսրությանը, հայ հեղինակներին խնդիր էր առաջադրում ռուս հասարակայնությանը ներկայացնել Հայաստանի հարուստ պատմական անցյալը, շեշտը դրվում էր հայոց պետականության պատմության, Առաջավոր Ասիայի քաղաքական իրադարձություններում նրա խաղացած որոշակի դերի վրա: Ռուսի պատահական չէր, որ դարակզբին ռուսերեն լեզվով լույս տեսած հայագիտական առաջին գործերից մեկը, որի հեղինակները նույն Դավիթ և Հակոբ Արզանովներն էին, հրատարակ եկավ 1827 թվականին, երբ Կովկասում բռնում ռազմական գործողություններ էին ծավալվում և ընթացքի մեջ էր ռուս-պարսկական պատերազմը: Այլ խոսքով, Ռուսաստանում հայ հեղինակների շատ գործերի ի հայտ գալն ուներ ոչ միայն հայագիտական, այլև կարևոր քաղաքական նշանակություն: Ռուսաստանի գիտական և ընթերցասեր հասարակայնությանը ներկայացվեց Հայաստանի հարուստ պատմական անցյալը, կայացավ նրանց առաջին ծանոթությունը հայ ժողովրդի պատմության հետ:

Ատենախոսության այս բաժնում քննության են առնված հայ հեղինակների այն գործերը, որոնք քննարկվում են Ռուսաստանում դարի առաջին

կեսի հայագիտության ուսումնասիրության աստիճանը և նրա հիմնական ուղղությունները:

Ինչպես արդեն նշեցինք, 19-րդ դարի առաջին կեսին Ռուսաստանում հրատարակված հայագիտական գործերի մի մասը նկարագրական բնույթի էին: Այդպիսի մի նկարագրություն, որն, անշուշտ, պատմագիտական արժեք ունի, հրատարակվեց Ս.Պետերբուրգում 1811թ. Հովհաննես սարկավագ Հովհաննիսյանի ռուսերեն թարգմանությամբ: Գիրքը ուներ «Վերջին երեսուն տարում /1779-1809թթ/ Հայաստանում կատարված արժանահիշատակ անցքերի նկարագրություն» խորագիրը¹²: Հեղինակը իշխան Գևորգ Խուրովն էր /Խուրյան/: Գրքի հայերեն քննադիրը դեռևս հայտնաբերված չէ¹³:

Գ.Խուրովի աշխատությանն անդրադառնալու մեր շարժառիթը, թերևս, պայմանավորված չէ միայն նրա պատմագիտական արժեքով: Հայտնի է, որ ներկայիս պատմագիտության հրատապ հարցերից մեկը պատմական իրողությունները փաստական իրական հիմքի վրա քննելու խնդիրն է, բաղդատման կամ լրացուցիչ տվյալների հիման վրա պարզելու այս կամ այն աղբյուրի իրական արժեքը, նրա հավաստիությունը: ՌԽՍԽ այս առումով, պետք է նշենք, որ մեզանում հանիրավի անտեսված է Գ. Խուրովի աշխատությունը: Մի գործ, որն օգնում է նորովի գնահատելու դարասկզբին կարևոր նշանակություն ունեցող մի իրադարձություն՝ 1804-1813թթ. ռուս-պարսկական պատերազմում երևանյան առաջին արշավանքի հարցը: Այն բազմիցս քննարկվել է պատմագիտական ուսումնասիրություններում: Փաստ է նաև, որ հետազոտողներն այս հարցում գրեթե համերաշխ են: Երևանյան արշավանքի անհաջողությունը դիտարկվում է մի կողմից որպես ռուսական բանակի հրամանատար Յիգիանովի անվճռական գործողությունների հետևանք, մյուս կողմից՝ Երևանի Մամադ խանի մախաձեռնած դիվանագիտական խորամանկ խաղերի արդյունք¹⁴:

Մեր կարծիքով, հետազոտողների ուշադրությունից վրիպել են այդ արշավանքի կարևոր շատ մանրամասներ ու պարագաներ, որոնք նոր խորհրդածությունների տեղիք են տալիս: Գ. Խուրովի աշխատությունը ուշագրավ է նաև այն առումով, որ հեղինակն այդ դեպքերի անմիջական մասնակիցն ու ակնադատն է:

Հեղինակի նկարագրության գլխավոր առանցքը Երևանի Մամադ խանի ռուսական հպատակությունը ընդունելու իրողությունն է: Քննարկելով այդ հարցի հետ կապված նրա խորհրդածությունները, կարծում ենք, որ եթե Խուրովն ինչ-որ տեղ չափազանցնում է, սակայն փաստերը չի աղավաղում: Հարցն այստեղ, իհարկե, այն չէ, թե հոգու խորքում Երևանի խանը երագում էր ռուսական հպատակությունը ընդունել: Մենք ևս բացառում ենք նման իրողության

¹² Е.Хубов, Описание достопамятных происшествий в Армении, случившихся в последние 30 лет /1779-1809 гг./, СПб., 1811.

¹³ Տե՛ս Լ.Սելիքսեր-բեկ, Գևորգ Խուրով /նյութեր և նոթեր/, Տեղեկագիր, 1950, N 2:

¹⁴ Տե՛ս Լեո, Հայոց պատմություն, հ.4, Ե., 1984, 2.Տ. Գրիգորյան, Արևելյան Հայաստանի միացումը Ռուսաստանին և նրա պատմական նշանակությունը, Ե., 1978, Վ.Ա.Դիլոյան, Արևելյան Հայաստանը 19-րդ դարի առաջին երեսնամյակին և հայ-ռուսական հարաբերությունները, Ե., 1989, Վ.Պարսամյան, Ռուսաստանը և հայ ժողովրդի պատմական բախտը, Ե., 1978, և ուրիշներ:

գոյությունը: Սակայն, չենք կարող հաշվի չառնել նաև այն հանգամանքները, որոնք ուղղակի ստիպում էին Մամադ խանին՝ ընդունելու այդ հպատակությունը: Բնականորեն, հարց է ծագում՝ ուրիշ ի՞նչ կարող էր ձեռնարկել Մամադ խանը, երբ ռուսական բանակն արդեն Երևանի բերդի շենին էր: Իրադրությունը փոխվում էր ժամ առ ժամ: Հետևաբար, հարցի պատասխանը պետք է փնտրել նրա մեջ, որ պարսից խաները զգալով ռուսական զենքի գորությունը, իրենց կամքին հակառակ, սեփական տիրապետությունը որևէ կերպ երկարաձգելու միակ միջոցը տեսնում էին ռուսական հպատակություն ընդունելու մեջ և ստիպված էին համակերպվել այդ մտքի հետ: Կարծում ենք, սա է ռեալ իրողությունը: Մյուս կողմից, պետք է նշել, որ Խուրվի հաղորդած տեղեկությունները հաստատվում են նաև ռուս հեղինակների կողմից¹⁵:

Դարասկզբին հայոց պատմությանը նվիրված ռուսերեն լեզվով լույս տեսած առաջին գործը Հակոբ և Դավիթ Արզանովների «Հայոց բազմակրոնության պատմության ուրվագծման փորձ» աշխատությունն էր¹⁶: Արզանովները գրեթե անհայտ են հայ պատմագիտությանը: Տակավին հպանցիկ և կցկտուր տեղեկություններ կան մեզանում նրանց մասին: Հայկական ներկայիս հանրագիտարաններում հիշատակված չէ ո՛չ նրանց անունը, և ո՛չ էլ նրանց ուսումնասիրությունը: Արզանով եղբայրների աշխատությունը բազում առումներով ուշագրավ ուսումնասիրություն է և պատմագիտական լուրջ քննության կարիք ունի:

Արզանովներն աշխատությունում ամենից առաջ քննության են առել հայկական աղբյուրների արժանահավատության հարցը: Նրանք բավականին քաջատեղյակ են նրա ժամանակի եվրոպական հայագիտական գրականությանը և գրքում լայնորեն քննարկել են հին աշխարհի պատմության աղբյուրների նկատմամբ ունեցած նրանց տեսակետները: Հեղինակները փաստում են այն միտքը, որ հայոց պատմությունը քննելիս, հավաստիությունն ամենից առաջ պետք է վերապահել հայկական, ապա նոր միայն օտար աղբյուրներին, որոնք «այդքան կուրորեն» ընդունված են համաշխարհային պատմագիտության մեջ¹⁷: Գործը ձեռնարկելու նպատակներից մեկն էլ հայոց պատմությունը որպես համաշխարհային պատմության բաղկացուցիչ մաս ներկայացնելն է: Նրանք ափսոսանք են հայտնում, որ «Հայաստանի պատմությունը, որը հին աշխարհի շատ պետությունների համար վիթխարի փոփոխությունների պատճառ է դարձել, այժմ չի մտնում ընդհանուր պատմության դասընթացի մեջ»¹⁸:

Դարի առաջին կեսերին Ռուսաստանում ռուսերեն լեզվով հայոց պատմության ընդհանուր շարադրանքի առաջնեկությունը պատկանում է Ալեքսանդր Խուդաբաշևին /1780-1862/: 1859թ. Սանկտ Պետերբուրգում լույս տեսավ նրա «Հայաստանի տեսությունը աշխարհագրական, պատմական և

¹⁵ St'u Н. Дубровин, История войны и владычества русских на Кавказе, т.3, СПб., 1886. П.Г. Бутков, Материалы для новой истории Кавказа, СПб., 1869, ч.1, с.73-74. Кавказский календарь, 1864, с.198.

¹⁶ St'u Яков и Давид Арзановы, Опыт начертания истории царств Армянского М..1827.

¹⁷ Նույն տեղում, էջ XIII:

¹⁸ Նույն տեղում, էջ XIX:

գրական առումներով» աշխատությունը¹⁹: Ալ. Խուդաբաշևանը 19-րդ դարի Պետերբուրգի հայագիտական դպրոցի նշանավոր ներկայացուցիչն է: Ասել թե, Խուդաբաշևանը հայտնի չէ մեր պատմագիտական շրջանակներին, իրավացի չէր լինի: Սակայն, հարկ է նշել, որ չնայած հրապարակի վրա եղած իր մեծածավալ ու արժեքավոր մենագրության, Խուդաբաշևանն արժանի ուշադրության չի արժանացել մեր պատմաբանների կողմից: Նրան տարբեր որակումներ են տվել բայց ոչ պատմաբանի: Ուստի արդի պահանջներից ելնելով՝ Ալ.Խուդաբաշևանի պատմագիտական ժառանգությունը կարոտ է վերագնահատման:

Պատմագիտական առումով որոշակի հետաքրքրություն է ներկայացնում Խուդաբաշևանի գրքի երկրորդ մասը, որը կրում է «Հայաստանի քաղաքական պատմությունը» խորագիրը: Հայոց պատմությունը հեղինակը տարաբաժանում է վեց ժամանակահատվածների, ելնելով ոչ միայն դինաստիական գործոնից, այլև հայոց պատմության կարևոր իրադարձությունների տրամաբանությունից: Այս ժամանակահատվածներից գատ, նա ավելորդ չի համարել առանձին բաժին նվիրել նաև հայկական գաղթօջախներին:

19-րդ դարում Ռուսաստանում հրատարակված պատմագիտական գրականության մեջ այսպիսի մի հետաքրքիր միտում է նկատվում: Հայոց պատմության ընդհանուր շարադրանքին զուգահեռ՝ անդրադարձ է արվում խոշորագույն տերություններում հայերի ծավալած գործունեությանը: Խուդաբաշևանի մոտ ևս հանգամանորեն ներկայացված է եվրոպական և ասիական երկրներում հայերի ծավալած գործունեությունը:

Խուդաբաշևանը հայագիտության մեջ մի կարևոր նորամուծություն էլ ունի: Նա առաջինն էր, որ ռուս ընթերցողին այդպես հանգամանորեն ներկայացրեց հայ եկեղեցու ամբողջական պատմությունը՝ Գրիգոր Լուսավորչից սկսած մինչև իր օրերը: Ընդ որում, հայ եկեղեցու պատմությանը հեղինակն անդրադառնում է ոչ թե առանձին դրվագներով, այլ հարցը ներկայացնում է ամբողջական ձևով:

Ատենախոսությունում քննության են առնված նաև Ալ.Խուդաբաշևանի աշխատության պատմագիտական մյուս կարևոր շեշտադրումները:

Ատենախոսության **ԵՐԿՐՈՐԳ ԳԼՈՒԽԵԸ** նվիրված է 19-րդ դարի երկրորդ կեսին Ռուսաստանում հրատարակված հայագիտական գրականության պատմաբնական վերլուծությանը և կրում է «**ՀԱՅԱԳԻՏՈՒԹՅՈՒՆԸ ՌՈՒՍԱՍՏԱՆՈՒՄ 19-ՐԴ ԳԱՐԻ ԵՐԿՐՈՐԳ ԿԵՍԻՆ**» վերնագիրը: Ատենախոսության այս մասը ևս բաժանված է երկու առանձին ենթադրվածների:

Առաջին ենթադրումն է «**ՀԱՅԱԳԻՏՈՒԹՅԱՆ ՌՈՒՍԱԿԱՆ ԳՂՐՈՅՔԸ**» հանգամանորեն ներկայացված է ռուս հեղինակների հայոց պատմության առանձին հարցերին նվիրված ուսումնասիրությունները:

Հետոնեֆորմյան ժամանակաշրջանը Ռուսաստանի պատմության մեջ նշանավորեց զարգացման նոր փուլ: Չարգացող կապիտալիստական հարա-

¹⁹ St'u. Ал.Худабашев «Обозрение Армении в географическом, историческом и литературном отношении» СПб, 1859.

բերութունները գիտության շատ ճյուղերի, այդ թվում և պատմագիտության առջև դրեցին նոր հիմնախնդիրներ: Ուստի ժամանակշրջանի ռուսական պատմագիտությանը բնորոշ էր տեսական գիտելիքների նկատելի աճը, փաստական հսկայական նյութի կուտակումը, պատմական հիմնահարցերի նկատմամբ նոր հայեցակետերի ձևավորումը, ուսումնասիրության առաջադիմական մեթոդների ներդրումը: Այդ ընթացքում նկատելի տեղաշարժեր կատարվեցին նաև հայագիտության բնագավառում: Հրապարակ եկան Հայաստանին և հայոց պատմությանը նվիրված մի շարք ուշագրավ ուսումնասիրություններ: Ընդ որում, հայոց պատմության ուսումնասիրությունը հիմնահարց դարձավ ոչ միայն պատմաբանների, այլ նաև ռուսական հասարակական և քաղաքական մտքի շատ այլ ներկայացուցիչների համար:

Այդ ուսումնասիրությունները զգալի նպաստ բերեցին հայոց պատմության ինչպես ամբողջական, այնպես էլ նրա առանձին հիմնահարցերի գիտական մշակման ու ուսումնասիրության խնդրում: Նրանցում բավականին հանգամանորեն ու մանրամասն ներկայացված են Հայաստանում կատարված պատմական իրադարձությունների ընթացքը: Ռուս հեղինակներն իրենց որոշակի նպաստը բերեցին նաև հայ ժողովրդի մասին հասարակական կարծիքի ձևավորման խնդրում: Այդ աշխատությունների արդյունքում ռուսական լայն հասարակայնության ուշադրությունը հրավիրվեց հայ ժողովրդի ճակատագրի ու նրա մղած ազատագրական պայքարի հարուստ պատմության վրա: Նրանցից շատերը գիտական նշանակությունից զատ, անշուշտ, ճանաչողական և հայանպաստ նշանակություն ունեցան:

Հայոց պատմության հանդեպ ունեցած նման հետաքրքրությունն, անշուշտ, բացատրվում էր մի շարք հանգամանքներով: Այնհայտ է, որ ռուս հեղինակները Կովկասը դիտելով որպես կայսրության անբաժանելի մաս, պետք է աշխատեին հնարավորին չափ ամբողջացնել նրա պատմությունը: Կարևոր հանգամանք էր նաև դարի երկրորդ կեսին՝ 1853-1856թթ. և 1877-1878թթ. Թուրքիայի դեմ Ռուսաստանի մղած երկու պատերազմները, որոնց մշտական թատերաբեմերից մեկն էլ Հայաստանն էր: Իրենց հայրենակիցներին այդ պատերազմների կարևորության մեջ համոզելու, ինչու չէ, նաև հայրենասիրական մղումներ առաջացնելու համար, ռուս հեղինակները դիմում էին Կովկասի նվաճման պատմության մանրամասներին, ակնկալելով նաև տեղի ժողովուրդների աջակցությունը:

Մյուս կարևոր հանգամանքը, որի արդյունքում աշխուժացավ հետաքրքրությունը հայագիտական ուսումնասիրությունների նկատմամբ, կապված էր դարի վերջերին միջազգային իրադրության սրման հետ, երբ համաշխարհային թատերաբեմում հստակ ուրվագծվում էին հսկամարտող կողմերը: Գաղտնիք չէր, որ տարածաշրջանում Ռուսաստանի համար որպես գլխավոր ախտյան շարունակում էր մնալ Թուրքիան: Այս իմաստով, Ռուսաստանը կարևոր նշանակություն էր տալիս տարածաշրջանի երկրների, և առաջին հերթին Հայաստանի մասին ուսումնասիրությունների աշխուժացմանը, որպես իր վստահելի և մշտական դաշնակցի: Ռուսաստանում հայագիտական թեմա է դառնում նաև արևմտահայության հիմնահարցը: Իհարկե, կրկին պետք է նշել, որ ինչպես առաջին կեսի, այնպես էլ դարի երկրորդ կեսի ուսումնասիրություններում հայագիտական հարցերը քննարկվում և ներկայացվում էին Ռուսաստանի ռազմա-քաղաքական հետաքրքրությունների

տեսանկյունից:

Այս ամենով հանդերձ, 19-րդ դարի երկրորդ կեսի հայագիտական ուսումնասիրությունները հայոց պատմության հիմնահարցերի ամբողջական ընդգրկման և հետազոտման խորության տեսակետից էապես տարբերվում էին միայնորդ պատմավուրի հետազոտություններից: Եթե 19-րդ դարի առաջին կեսին հայոց պատմության ուսումնասիրությունը կրում էր մակերեսային բնույթ, ապա դարի երկրորդ կեսը նշանավորվեց նախ, կովկասագիտական ազդեցիկ դարացի ձևավորումով /Պ.Քուտկով, Ն.Դուբրովին, Վ.Պոտտո և ուրիշներ/, ապա նաև հայագիտական մի շարք ուշագրավ աշխատությունների հրապարակումով: Վարչական վերակառուցման ու տնտեսական յուրացման հարցերի կողքին, ինչը հատուկ էր դարի առաջին կեսի հրատարակյալ գործերին, կայսրությունում հետզհետե նկատելի է դառնում հետաքրքրությունը Հայաստանի պատմական անցյալի և մշակույթի հանդեպ: Պետական հոգաբարձությանը և հայ երևելի պարերի նախածեռնությամբ վերջնականապես ձևավորվում ու ավարտուն տեսք է ստանում հայագիտության ռուսական գիտական դպրոցը:

Ներկայացնելով Ռուսաստանում հրատարակված հայագիտական գրականությունը, մենք հետամուտ ենք եղել ոչ միայն ուսումնասիրել և գնահատել ռուս պատմաբանների կոնկրետ ներդրումը, կայսրությունում հարաբերությունների և հայոց պատմության հիմնահարցերի գիտական մշակման խնդրում, այլև ցույց տալ այս բնագավառում կատարված նկատելի տեղաշարժերը:

Ատենախոսության այս գլխում մենք նպատակահարմար ենք գտել առանձնացնել հետևյալ հիմնախնդիրները:

Հին և միջնադարյան Հայաստանի պատմության հարցերի լուսարանումը ռուս հետազոտողների աշխատություններում: 19-րդ դարի երկրորդ կեսին ռուս հեղինակներն իրենց հնարավորության սահմաններում փորձեցին ամբողջացնել հին և միջնադարյան Հայաստանի պատմությունը, արժեքավորել նրա տեղը հին աշխարհի կարևորագույն իրադարձություններում: Դրանցից ռուս ընդգողը լիովին կարող էր պատկերացում կազմել Հայաստանի պատմական անցյալի մասին, որը ժամանակի առումով, անշուշտ, գնահատելի էր:

Արևելյան Հայաստանի միացումից հետո, ցարական կառավարությունը ձեռնարկեց Հայկական մարզի պատմության, նրանում բնակվող ժողովուրդների հասարակական-կենցաղային պայմանների, սովորույթների ուսումնասիրությունը: Լինելով պետական բարձրաստիճան պաշտոնյաների հանձնարարություններ, դրանք ըստ էության ունեին քաղաքական որոշակի, իսկ երբեմն՝ շեշտված միտվածություն: Եվ այնուհանդերձ, նրանցում ևս կարելի է հանդիպել պատմագիտական որոշակի հետաքրքրություն ներկայացնող նյութերի: Այդպիսի ուսումնասիրությունների թվին ոչ մեծ վերապահումներով կարելի է դասել Ի. Ի. Շուպենի աշխատությունը²⁰:

Ի. Շուպենի աշխատության մանրամասն հետազոտությունը սակայն, մեզ բերում է այն համոզման, որ հեղինակի այս ուսումնասիրությունը գիտական

²⁰ Տե՛ս И.И.Шопен, Исторический памятник состояния Армянской области в эпоху ее присоединения к Российской империи, СПб, 1852.

խատագույն քննադատության չի դիմանում: Հին Հայաստանի մասին արված նրա շատ մտքեր ու եզրակացություններ մտացածին ու անընդունելի են: Դա նախ և առաջ վերաբերում է աղբյուրներին: Ի. Շուպենն իր կողմից օգտագործած աղբյուրների հետ վարվել է կամայականորեն և դրանք մեջ է բերել առանց անհրաժեշտ վերլուծության: Անընդունելի են նաև հեղինակի բերած ծանոթագրություն-եզրակացությունները:

Իվան Շուպենը Կովկասին նվիրված ուրիշ աշխատություն էլ ունի:²¹ Ուսումնասիրությունը գրեթե դուրս է մնացել պատմաբանների ուշադրությունից: Այն հրատարակվել է Պետերբուրգում 1866թ. և ինչպես ինքն է գրում, «նշումներին» հեղինակը ձեռնամուխ է եղել նպատակ ունենալով տեղեկություններ հավաքել Կովկասի հին շրջանի պատմության մասին²²: Շուպենն այստեղ էլ անխոցելի չէ. շատ տեղերում հեղինակն առանց քննության ու հատուկ հետազոտության, գրում է այն, ինչն իրեն ճշմարիտ է քվում:

Մինչ այժմ հայ պատմագիտությունը Վ. Պոտտոյի գիտական ժառանգությանն անդրադարձել է միմիայն 19-րդ դարի առաջին երեսնամյակի կովկասյան պատերազմների առումով: Մեր կարծիքով սակայն, նրա գիտական ժառանգության մեջ մոռացության է մատնված մի կարևոր բաժին, որում քննարկվում են ոչ թե պատերազմական իրավիճակներ, այլ կատարվում է հայոց պատմության համառոտ քննական վերլուծություն: Այդ բաժինը Պոտտոյի ուսումնասիրությունում վերնագրված է մեկ ընդհանուր խորագրով. «Արարատի երկիրը»²³:

Ռուսաստանում այնքան էլ մեծ չէ այն հեղինակների թիվը, որոնք փորձեցին հայոց պատմությանը նվիրված գործեր գրել: Պատճառն, իհարկե անբացատրելի չէ: Անդրադառնալ մի երկրի պատմության, որն այդքան լեցուն է իրադարձություններով և ունի պատմագիտական հարուստ գրականություն, անշուշտ, հարկ էր ունենալ աղբյուրագիտական բավարար պատրաստություն: Այնուհանդերձ, չնայած այդ դժվարություններին, ռուս պատմագիտության մեջ գտնվեցին նաև այդպիսիները: Նրանցից մեկը Վիկտոր Աբազան էր. 1888 թվականին Ս. Պետերբուրգում լույս տեսավ նրա «Հայոց պատմություն» գիրքը²⁴:

Եթե Վ. Աբազայի շարադրանքին մոտենանք հայագիտական ինչ-որ նորություն ասելու առումով, անտարակույս, հիասթափություն կապրենք: Ավելին, եթե կուզեք, նույնիսկ կրկնում է նախորդներին: Սակայն նրա շարադրանքում ևս կան ուշագրավ մտքեր, այսպես. «Հայերի մասին տեղեկությունների անբավարարությունը - գրում է նա,- հողագործական այս ժողովրդի մասին հանիրավի եզրակացությունների առիթ է ծառայել: Ծատերը հայերի մեջ միայն առևտրականներ են տեսնում, մինչդեռ այդպիսի բնութագրումների հիմքում չկան ո՛չ պատմական տեղեկություններ և ո՛չ էլ նույնիսկ եվրոպական արևելագետների մոտ կարելի է հանդիպել նման

մտքերի... Այս բնորոշումներն ըստ էության ամբողջական չեն և հիմքում անարդարացի»²⁵:

Հայ եկեղեցու պատմությանն է նվիրված Ալ. Աննինսկու ուշագրավ աշխատությունը²⁶: Նրա մյուս աշխատությունը նվիրված է հայ մատենագիտությանը²⁷, ուր հեղինակը բարձր է գնահատում հայ պատմագիրներին, նշում նրանց գործերի կարևորությունը հին աշխարհի պատմության ուսումնասիրության խնդրում:

Ատենախոսությունում տրված է վերջիններիս քննական վերլուծությունը, շեշտված են նրանցում պարունակող պատմագիտական կարևոր ընդգծումները:

Իհարկե, Ռուսաստանում լույս տեսնող ոչ բոլոր հրատարակություններում էր ճշմարտացի լուսաբանվում հին Հայաստանի պատմության հարցերը: Այսպես, 1897թ. Ս. Պետերբուրգում լույս տեսավ Մ. Ախովի «Ալեքսանդր հայկական «պետության» պատմությունից» աշխատությունը²⁸: Նրա գրքին անդրադառնալու շարժառիթը բնավ պայմանավորված չէ նրա պատմագիտական արժեքով: Հեղինակի բազում եզրակացություններն ու բնութագրումները ոչ մի կապ չունեն իրական վիճակի հետ, ավելին՝ դրանք հակագիտական են:

Հայագիտական նյութերը ռուս պատմաբանների Կովկասին և կովկասյան պատերազմներին նվիրված աշխատություններում: Ժամանակագրական տեսակետից 19-րդ դարի Հայաստանի պատմությանը վերաբերող առաջին գործը մեզ արդեն ծանոթ Ի. Շուպենի աշխատությունն էր²⁹: Հենց սկզբից նշենք, որ այստեղ արդեն հարցը հստակեցնելու անհարժեշտություն կա: Եթե Հին Հայաստանի պատմության հարցերում հեղինակը բազում հերքելի տեսակետներ ուներ, ապա 19-րդ դարի առաջին կեսի Հայաստանի սոցիալ-տնտեսական հարցերի լուսաբանության խնդրում, Շուպենն, անշուշտ, գերազանցում է իր գործընկերներին: Նրա աշխատությունում տղրված է Հայկական մարզի մանրամասն ու հանգամանալից տեսությունը, թեպետ այստեղ էլ Շուպենի առանձին մտքեր համոզիչ չեն: Ասվածը հատկապես վերաբերում է հայկական մարզի ժողովուրդներին ռուս պաշտոնյայի տված բնութագրումներին: Այլ խոսքով՝ թեպետ Ի. Շուպենի աշխատությունների ուսումնասիրությունը երկակի մտահանգումների տեղիք է տալիս, այնուհանդերձ, դրանք պատմագիտական որոշակի արժեք են ներկայացնում:

Ինչպես արդեն նշեցինք, պատմագիտական առումով 19-րդ դարի երկրորդ կեսը Ռուսաստանում նշանավորվեց կովկասագիտական ազդեցիկ

²¹ Տե՛ս Ի. Ի. Շոպեն. Новые заметки к древней истории Кавказа и его обитателей, СПб, 1866.

²² Նույն տեղում, էջ 1:

²³ Տե՛ս В. Потто, Кавказская война в отдельных очерках, эпизодах, легендах и биографиях, СПб, 1885.

²⁴ Տե՛ս В. А. Абаза, История Армении, СПб 1888.

²⁵ Նույն տեղում, էջ VI:

²⁶ Տե՛ս. Ал. Аннинский, История армянской церкви, Кишинев, 1900:

²⁷ Տե՛ս. Ал. Аннинский, Древние армянские историки, как исторические источники, Одесса, 1899.

²⁸ Տե՛ս. М. Ахов, Очерки из истории Армянского "государства" СПб, 1897.

²⁹ Տե՛ս. Ի. Ի. Շոպեն, Исторический памятник состояния Армянской области в поху ее присоединения к Российской империи, СПб, 1852.

դպրոցի ստեղծումով, որի ակնառու ներկայացուցիչները դարձան Պ. Բուսկովը, Ն. Դուբրովինը և Վ. Պոտտոն: Նրանց աշխատությունների շնորհիվ ոչ միայն ամբողջացավ 18-19-րդ դարերի Անդրկովկասում կատարված իրադարձությունների պատմությունը, այլև նրանց հրապարակած բազում նյութերն ու վավերագրերը աղբյուրագիտական կարևոր նշանակություն ունեցան հայոց պատմության ուսումնասիրության խնդրում:

Նրանցից առաջինը՝ Պ. Գ. Բուսկովը Կովկասին անձամբ անձնավորություն չէր. մասնակցություն է ունեցել Վ. Չուբովի 1796թ. արշավանքին, 1801-1802թթ., վարել է Կովկասի կառավարչապետ գեներալ Կնոբինգի գրասենյակի գործերը: Նրա արդյունավետ աշխատանքի հանրագումարը հանդիսացավ 1869 թվականին հրատարակված հեղինակի եռահատոր աշխատությունը՝ «Կովկասի նոր պատմության նյութեր /1722-1803թթ./»³⁰:

Թեպետ Պ. Գ. Բուսկովի աշխատությունը հայագիտական նյութի ընդգրկման առումով համեմատաբար հարուստ չէ, սակայն նրանում տեղ գտած շատ իրադարձությունների վերլուծություններն ու հեղինակի արտահայտած կարծիքները, անշուշտ, պատմագիտական արժեք են ներկայացնում: Այդ նյութերը բավարար հիմք են տալիս լրացնելու 18-19-րդ դարերի հայոց պատմության առանձին հիմնահարցեր:

Ռուսաստանում կովկասագիտական դպրոցի մյուս նշանավոր ներկայացուցիչը Ն. Դուբրովինն էր: Անդրկովկասին նվիրված նրա առաջին գործը «Անդրկովկասը 1803-1806թթ.» աշխատությունն էր, ուր հեղինակը հանգամանորեն անդրադարձավ դարասկզբին տարածաշրջանում խմորված իրադարձություններին:

Պատմագիտական շրջանակներին Ն. Դուբրովինն առավելապես հայտնի է «Պատերազմների և Կովկասում ռուսների տիրապետության պատմություն» մեծածավալ աշխատությամբ³¹: Ընդհանուր առմամբ, Ն. Դուբրովինի այս աշխատանքը հայագիտական հարուստ նյութեր չի պարունակում, սակայն նրա հաղորդած շատ տեղեկություններ կարևոր արժեք են ներկայացնում: Ռուս պատմագիտության մեջ Դուբրովինը առավել հանգամանորեն անդրադարձավ Ռուսաստանի և պարսկական խանությունների հարաբերությունների հարցին, որը հաճախ միանշանակ է ներկայացվում մեր պատմագիտության մեջ: Հեղինակը հարցին անդրադառնում է հիմնավոր և, որ կարևոր է, իր եզրակացությունները հաստատում է արխիվային վավերագրերով:

Զննարկելով Ն. Դուբրովինի աշխատությունը, ակամայից պահանջ է առաջանում խորհրդածելու մի կարևոր հարցի շուրջ: Պատմագիտական որոշ ուսումնասիրություններում ռուս-պարսկական առաջին պատերազմի հետևանքով պարսկական խանությունների Ռուսաստանին միացումով կարծես ավարտված է համարվում այդ հարցի քննարկումը: Տվյալ պարագայում, Ղարաբաղի, Շարիի, Շիրվանի և Շորագյալի միացումից հետո մինչև ռուս-պարսկական երկրորդ պատերազմն ընկած ժամանակաշրջանը կարծես անհայտության մեջ է: Հեղինակն այս հարցը աննկատ չի թողնում և իր

³⁰ Տե՛ս. Մ. Գ. Բուսկով, Материалы для новой истории Кавказа, ч. I-III, СПб, 1869.

³¹ Տե՛ս. Н. Дубровин, История войны и владычества русских на Кавказе, СПб, 1871.

աշխատությանում բերում է բավականին ուշագրավ նյութեր, որոնք անկասկած, լրացնում են այդ բացը:

Ռուսական կովկասագիտական դպրոցի թերևս ամենանշանավոր ներկայացուցիչը Վ. Ա. Պոտտոն է: Նրա թողած պատմագիտական ժառանգության շնորհիվ ոչ միայն հարստացավ կովկասագիտությունը Ռուսաստանում, այլև մեծ նպաստ բերեց 19-րդ դարի հայոց պատմության կարևոր շատ իրադարձությունների լուսաբանման խնդրում: Մեր պատմագիտության մեջ 19-րդ դարի առաջին երեսնամյակի պատերազմներին նվիրված և ոչ մի աշխատությունում հնարավոր չի եղել շրջանցել ռուս նշանավոր այդ պատմաբանի գործերը: Միաժամանակ, հարկ է նշել, որ Վ. Ա. Պոտտոյի գիտական ժառանգությունը մեզանում հանգամանալից ուսումնասիրության չի ենթարկվել:

Կովկասին նվիրված Վ. Պոտտոյի հիմնարար գործը «Կովկասյան պատերազմը առանձին ակնարկներում, դիպվածքներում, փառաբանումներում և կենսագրականներում» ծավալուն աշխատություն է՝ իր բաժան առանձին թողարկումներով³²: Հեղինակն այն սկսում է հետևյալ ուշագրավ մի խորհրդածությամբ. «Կովկասյան պատերազմն ավարտվեց: Մեծ նպատակն իրագործվեց: Եվ Ռուսաստանը, որն արդեն չի տագնապում երկարատև պատերազմի ամպրոպից, չի մոռանա իր հերոսներին... առանց նրանց անհնար կլինեք երկրամասի հպատակեցումը, որը պատմականորեն անհրաժեշտ էր, Ռուսաստանի պետական անհետաձգելի պահանջներով թելադրված»³³ /ընդգծումը մերն է՝ Հ. Հ./: Մեր պատմագիտության մեջ տասնամյակների ամրապնդված տեսակետ է՝ Վ. Պոտտոյին և ռուսական պաշտոնական պատմագրության մյուս հեղինակներին վերագրել. «Կովկասյան պատերազմներում ցարիզմի հետապնդած ռազմա-քաղաքական և գաղութատիրական նպատակների մտացածին վարագործումը»³⁴: Ակնհայտ է, որ այդ տեսակետն ինքնին նորացման կարիք ունի:

Աշխատությունում Վ. Պոտտոն բավականին ուշագրավ և մանրամասն տեղեկություններ է հաղորդում հատկապես 1826-1828թթ. ռուս-պարսկական պատերազմի մասին, որից այնքան առատորեն օգտվել են մեր շատ պատմաբաններ: Գիտական նույնարժեք նշանակություն ունեն նաև հեղինակի մյուս ուսումնասիրությունները,³⁵ որոնք՝ նույնպես քննարկված են ատենախոսությունում:

Հարցի առնչությամբ որոշակի հետաքրքրություն է ներկայացնում ռուս պատմաբան Վ. Շերբատովի «Գեներալ Ֆելդմարշալ իշխան Պասկևիչ»

³² Տե՛ս, Потто В. А. Кавказская война в отдельных очерках, эпизодах, легендах и биографиях, тт. I-IV, СПб, 1886-1888

³³ Նույն տեղում, т. I, էջ III:

³⁴ Տե՛ս. Չ. Տ. Գրիգորյան, Արևելյան Հայաստանի միացումը Ռուսաստանին և նրա պատմական նշանակությունը, Ե., 1978, էջ 11:

³⁵ Տե՛ս. В. А. Потто, Памяти старых кавказцев, СПб, 1897, В. А. Потто, Генераль-адъютант Иван Давидович Лазарев, Тифлис, 1900, В. А. Потто, Первые добровольцы Карабага в эпоху водворения русского владычества, Тифлис, 1902.

Ընդհանուր գծերով ռուսական հրատարակություններում այսպես է ներկայացված Արևմտյան Հայաստանն ու հայկական հարցը, թեպետ հիմնահարցին նվիրված ուսումնասիրությունները դրանով չեն ավարտվում⁴⁶:

Ատենախոսությունում առանձին քննարկման են արժանացել նաև հայկական հարցին նվիրված դարավերջի ռուսական երկու նշանավոր հրատարակությունները: Նրանցից առաջինը հրատարակել է կառավարության կողմից 1895 թվականին. խոսքը «Հայերի դրությունը Թուրքիայում մինչ տերությունների միջամտությունը 1895թ.» ժողովածուի մասին է⁴⁷: Գրքում գետեղված են ամենատարբեր պզգոությունների պատկանող հեղինակների /Ռոլեն-ժեկեն, Գրին, Դիլոն/ հրատարակումները, որոնք տարբեր տեսանկյունից ներկայացնում են հայկական հարցի մասին իրենց մտտեցումները: Այստեղ գետեղված է նաև հայ նշանավոր հրատարակատու և պատմաբան Գ. Ջանջյանի «Հայկական հարցը Թուրքիայում» հոդվածը /ներկայացել է Դիլեն անվամբ/, ուր հեղինակը խորհրդածում է նաև ազգային գաղափարախոսության շուրջ: Այդ գաղափարախոսության հիմքում Ջանջյանը դնում է հայոց եկեղեցուն: Հեղինակն ընդունում է հայ ազգային գաղափարախոսության մի կարևոր կողմնակետը՝ «Հայ ազգային գաղափարախոսությունն ի տարբերություն մյուս ժողովուրդների «մարտական» ձգտումների, - գրում է նա, - ունի լիովին խաղաղ և հստակ մշակութային ուղղվածություն: Եվ եթե ազգի գոյության համար անհրաժեշտ է հոգևոր բովանդակություն, ապա հայերը դրա պակասությունը չունեն»⁴⁸: Մյուս ժողովածուն լույս տեսավ 1897թ.⁴⁹, որը ևս ամբողջովին արձագանքում էր 1894-1896թթ. Թուրքիայում տեղի ունեցած արևմտահայության կոտորածներին: Նրա հրատարակիչը նույն Գ. Ջանջյանն էր: Ատենախոսությունում քննության են առնված ժողովածուներում տեղ գտած պատմագիտական ուշագրավ հրատարակումները:

ԵՐԿՐՈՐԳ ԵՆԹԱԳԼԽՈՒՄ «ՆԱՅ ՀԵՂԻՆԱԿՆԵՐԻ ՀԱՅԱԳԻՏԱԿԱՆ ԳՈՐԾՈՒԵՆՈՒԹՅՈՒՆԸ ՈՌՈՍԱՍՏԱՆՈՒՄ 19-ՐԳ ԳԱՐԻ ԵՐԿՐՈՐԳ ԿԵՍԻՆ» քննության է առնված դարի երկրորդ կեսին Ռուսաստանում գործունեություն ծավալած հայ հեղինակների հայագիտական ուսումնասիրությունները:

19-րդ դարի երկրորդ կեսին հայագիտության առաջընթացը Ռուսաստանում պայմանավորված չէր միայն ռուս հեղինակների աշխատություններով: Դարաշրջանը բեղմնավոր եղավ նաև Ռուսաստանի

պատմագիտական դպրոցի հայ հեղինակների համար: Առաջընթացը նկատելի էր ինչպես քննատիկայի հարստացման, այնպես էլ քննարկվող հարցերի գիտական խորության տեսակետից: Եվ եթե համեմատելու լինենք դարի առաջին և երկրորդ կեսի հայագիտական հրատարակությունները, ապա ժամանակի նշանավոր հայագետ Զ. Պատկանյանի հավաստումով՝ դարի առաջին կեսին պատկերն այսպիսին էր. «Տակավից դարի կեսերին, - գրում է նա, - բոլոր հայտնի հայ պատմիչների թիվը չէր անցնում 35-ից: Նրանցից հրատարակվել էին 24-ից ոչ ավելին: Միևնույն ժամանակ, այդ հրատարակություններից կեսից ավելին իրենց սակավաթիվության պատճառով անհասանելի էին ընթերցող լայն հասարակայնությանը և բնականաբար, ձեռագրերի տեսք ունեին: Ավելին, - շարունակում է նա, - նրանցից միայն 17-ն էին թարգմանվել ու հրատարակվել օտար լեզուներով»⁵⁰:

Դարի երկրորդ կեսին, սակայն, հայագիտության նկատմամբ հետաքրքրությունը միանգամից փոխվում է: Պատմական բովանդակությամբ աշխատությունների թիվը սկսում է նկատելիորեն աճել: Հայ պատմիչների գործերն արագորեն թարգմանվում ու հրատարակվում են ոչ միայն Ռուսաստանում, այլև նրա սահմաններից դուրս: Այս աշխատանքներից գուցա հետ, լույս են տեսնում նաև հայ մատենագիրներին նվիրված առանձին ժողովածուներ, հրատարակվում են բազմաթիվ ու բազմաբնույթ հոդվածներ ու գրախոսականներ հայ պատմիչների գործերի մասին: Այդ ամենի արդյունքում՝ Ռուսաստանում ստեղծվեց հայ պատմական գրականություն՝ ոչ միայն հայերեն, այլև ռուս և եվրոպական լեզուներով: Դրանք արդեն հասանելի էին ոչ միայն գիտական շրջաններին, այլև հետաքրքրասեր լայն ընթերցողներին:

Այդ ամենից հետո չմնաց նաև Ռուսաստանը: Կայսրության մայրաքաղաքներ Պետերբուրգը և Մոսկվան, իսկ այնուհետև նաև Կազանը, Դոբրպատը, Թիֆլիսը դարձան հայագիտության նշանավոր կենտրոններ: Հայագիտական այդ կենտրոններում աճեցին և գիտական լայն ճանաչման արժանացան մի շարք անվանի հայ պատմաբան-հայագետներ: Նրանք ուսանել էին ռուսական նշանավոր համալսարաններում և անցել էին ռուս պատմագիտական առաջավոր դպրոցը: Եվ եթե դարասկզբին Ռուսաստանում հայ հեղինակները ներկայանում էին սակավ ուսումնասիրություններով, ապա դարի երկրորդ կեսին Ռուսաստանում խնդրին ձեռնամուխ եղան Ստ. Նազարյանցը, Մ. Էմինը, Զ. Պատկանյանը, Ալ. Երիցյանը, Կ. Եզյանը և ուրիշներ, որոնց աշխատությունների շնորհիվ նոր աստիճանի բարձրացվեց հայոց պատմության ուսումնասիրությունը:

Այս ամենի անխուսափելի արդյունքը եղավ այն, որ հնարավոր դարձավ ոչ միայն պարզաբանել արդեն պատմությանը հայտնի իրադարձություններ և փաստեր, այլև նորովի լուսաբանել ինչպես Հայաստանի և նրա հարևանների, այնպես էլ հայ-ռուսական հարաբերությունների պատմության շատ մանրամասներ ու դրվագներ: Հայոց պատմության հիմնահարցերի կողքին, որպիսիք էին Հայկյան և Արշակունյաց արքայատոհմների, Պարսկաստանի և Բյուզանդիայի հետ ունեցած հարաբերությունների պատմությունը, հայ պատմաբանների ուսումնասիրության

⁴⁶ Տե՛ս. Малама Я.Д. Описание Эрзерумского вилаета., СПб, 1874, Вронченко М.П., Обозрение Малой Азии в нынешнем ее состоянии., СПб, 1838, Убичини М.А. Изображение современного состояния Турции в географическом, статистическом, религиозном и военном отношениях, СПб, 1854, և ուրիշներ:

⁴⁷ Տե՛ս. Положение Армян в Турции до вмешательства держав в 1895г., М., 1895.

⁴⁸ Նույն տեղում, էջ 411:

⁴⁹ Տե՛ս. Братская помощь пострадавшим в Турции армянам., 2-е изд., М., 1898.

⁵⁰ Տե՛ս. Библиографический очерк армянской литературы К.П. Патканова., М., 1879.

քեմա դարձավ նաև հայ-ռուսական հարաբերությունների պատմությանը վերաբերող հարցերը: Եվ այնուհանդերձ, 19-րդ դարի երկրորդ կեսի հայ հեղինակների գործերում տիրապետող էր Հին Հայաստանի պատմությանը վերաբերող հարցերի քննությունը, նրա հերոսական դրվագների ներկայացումը:

Ռուսաստանում հայ հեղինակների կողմից ստեղծված ուշագրավ այդ գրականության ուսումնասիրությունն էլ հենց կազմում է ատենախոսության այս հատվածի հիմնական բովանդակությունը:

Սու. Նազարյանը հայագիտության մեջ բավականին հանգամանալից ուսումնասիրված հեղինակներից է: Հրապարակի վրա են արժեքավոր մի շարք մենագրություններ, որոնք որոշակիորեն ամբողջացնում են 19-րդ դարի հայ նշանավոր գործչի հասարակական-քաղաքական և լուսավորչական գործունեությունը⁵¹: Սակայն, սխալ կլիներ կարծել, թե Սու. Նազարյանցի հայագիտական ժառանգության ուսումնասիրությունը ըստ ամենայնի ավարտված է, մասնավորապես, եթե խոսքը վերաբերում է նրա պատմագիտական հրապարակումների լուսաբանմանը:

Թեև մի քանի հոդվածներից բացի, Սու. Նազարյանը հատկապես պատմագիտական բնույթի որևէ աշխատություն չունի, սակայն պատմության և պատմագիտության խնդիրները տևապես հուզել և հետաքրքրել են նրան: Պատմության ճանաչողությանը նա տալիս էր հանգուցային նշանակություն. «Ամեն ազգ, թե նորա պարծանքը և թե նորա անոթը,- գրում է նա,- հետևանք է նրա պատմության, ասել է այն գործերի ու անցքերի, որ եղած են ազգի կյանքի մեջ և այսպես ով որ կամի ծանոթանալ յուր ազգի որպիսությանը, պարտական է ուսանել դորա պատմությունը, դորա անցյալը, որի մեջ դրած է և յուր հատուկ ներկայի բանալին, այսինքն, հասկանալով անցած զնացածը, կարող է հասկանալ նա և ներկայի խորհուրդը...»⁵²: Գրեթե բոլոր և հատկապես հրապարակախոսական բնույթի աշխատություններում, հստակորեն ուրվագծվում է Նազարյանցի պատմական մտածողությունը: Սեփական ժողովրդի պատմության իմացությունը Նազարյանը դիտում է ոչ թե սոսկ որպես գիտելիքների իմացություն և պատմական անցքերի մասին տեղյակություն, այլ նրանում տեսնում է ներկայի և ապագայի խորհուրդը, գործունեության ուղեցույց:

Ատենախոսությունում քննարկվում են Ս. Նազարյանցի հայոց պատմության հարցերին նվիրված հոդվածներն ու հրապարակումները, առանձնացվում են նրանցում եղած պատմագիտական կարևոր ընդգծումները:

Եվ այնուհանդերձ, 19-րդ դարի երկրորդ կեսին հայոց պատմության հիմնահարցերը գիտական լուրջ մշակման ու նոր մոտեցման կարիք ունեին: Հայ պատմագիտության մեջ գոյություն ունեցող այդ բացը լրացնելը դարձել էր հրատապ անհրաժեշտություն: Հենց այդ ժամանակ էլ Ռուսաստանում հրապարակ եկան երկու նշանավոր հայագետներ, որոնց վիճակված էր

⁵¹ Տե՛ս. Սմ.Շահազիզ. Հրապարակախոս ձայն. Մոսկվա, 1881, Լեռ. Ստեփանոս Նազարյան. Թիֆլիս. 1902, Մ.Մխիթարյան. «Հյուսիսափայլ» ամսագիրը. Երևան, 1958, Ռ. Կարապետյան. Սու. Նազարյանց: Փիլիսոփայական հայացքները, Երևան, 1976, Ռ.ՆանումյանՍու.Նազարյանց, Երևան, 1978 և ուրիշներ:

⁵² Սու.Նազարյանց, Երկեր, Թիֆլիս, 1913, էջ 40:

առաջընթաց խոշոր քայլ կատարելու այդ կարևոր բնագավառում: Նրանցից առաջինը հայագիտության երախտավոր Սկրտիչ Էմինն էր:

Չնայած նախորդ դարի համեմատությանը 19-րդ դարի առաջին կեսին հայագիտական աշխատանքներն աշխուժացան, սակայն դրանք դեռևս հեռու էր բավարար համարվելուց: Նրանցում բացակայում էր ամենագլխավորը՝ մշակված և համակարգված չէին հայոց պատմության ուսումնասիրության գիտական մեթոդները, մի պահանջ, որը վաղուց արդեն իրականացված էր եվրոպական և ռուսական պատմագիտության կողմից: Այստեղից էլ Մ. Էմինի ծառայությունը հայագիտությանը: Նա առաջինն էր, որ իր հետազոտությունները ներկայացրեց ժամանակի գիտական նոր մեթոդների համակարգի մեջ, համապատասխանեցրեց դրանք այդ կանոններին: Ուստի դրանում պետք է տեսնել այն իրողությունը, որ նրա աշխատությունները գիտական ճանաչում ստացան ոչ միայն Ռուսաստանում, այլև նրա սահմաններից դուրս:

Մ. Էմինը հայագիտական բազում և բազմաբնույթ ուսումնասիրությունների հեղինակ է, որոնք նվիրված էին հայոց դիցաբանության, հնագիտության, պատմության, գրականության և մատենագիտության հարցերին: Անշուշտ, նրա գիտական գործունեության հիմնական ասպարեզը պատմագիտությունն էր, որին էլ նվիրեց իր աշխատությունների զգալի մասը⁵³: Դրանք առաջին հերթին թարգմանություններ են, հայ նշանավոր պատմիչների աշխատությունների հրատարակություններ և պատմա-քննական բնույթի ուսումնասիրություններ: Էմինի ջանքերի շնորհիվ հայկական հարուստ մատենագրությունը մատչելի դարձավ ռուս և եվրոպական գիտական աշխարհին: Մի ազնիվ առաքելություն, որն Էմինը կատարեց նվիրումով ու գիտական բարեխղճությամբ:

Հայագիտության մեջ Սկրտիչ Էմինի արժանավոր հետնորդն ու նրա գործի շարունակողը Քերովե Պատկանյանն էր, որի հայագիտական գործունեության ամենից ընդարձակ բնագավառը կրկին պատմագիտական ուսումնասիրություններն են⁵⁴: Նրա կողմից հրատարակված պատմական բազմաբնույթ գրականությունը՝ թարգմանություններն ու հետազոտությունները նպատակ ունեին սրբագրել և մատչելի դարձնել հայ պատմիչների կողմից հաղորդած այն տեղեկությունները՝ /հինգերորդ դարից սկսած մինչև 17-18-րդ դ./, որոնք վերաբերում էին հայերի հետ դարերի ընթացքում առընչվող ժողովուրդների պատմությանը /Մերեսո /1862 թ./, Ղևոնդ, Մովսես Կաղանկատվեցի /1861թ./, Մխիթար Այրիվանեցի /1867թ./, Մաղաքիա պատմիչ /1871թ./, Անանիա Շիրակացի /1877թ./, Մխիթար Անեցի /1879թ./, Փավստոս Բուզանդ /1883թ./, հատվածներ հայոց պատմությունից /1884թ./, Թովմա Արծրունի /1887թ./ և այլն: Այդ հրատարակությունները Զ.Պատկանյանը

⁵³ Տե՛ս. Исследования и статьи Н. О. Эмина по армянской мифологии, археологии, истории и литературы /за 18581884г./, М., 1898, Մ. Էմին. Երկասիրություններ հայոց լեզվի, գրականության և պատմության մասին /1840-1855թթ./, Մոսկվա, 1858թ:

⁵⁴ Տե՛ս. К. Патканов, Ванские надписи и значение их для истории Передней Азии, СПб., 1881, К. Патканов, Библиографический очерк армянской исторической литературы, СПб., 1880.

լրացրեց հայ պատմիչների մասին արժեքավոր ներածականներով:

Փաստորեն Պատկանյանն այդ հարցում մի քայլ առաջ գնաց իր ուսուցիչը. եթե Էմինի համար կարևորություն էին ներկայացնում հայ այն պատմիչները, որոնք հայոց պատմությունը շարադրել էին հարևան երկրների պատմության հետ շողկապված, ապա նա նպատակ դրեց ստուգաբանել ու ճշգրտել այդ տեղեկությունները: Դրանով իսկ Պատկանյանը հայագիտությունը հարստացրեց նոր բովանդակությամբ. նա հայոց պատմությունը չդիտեց միայն տեղական նշանակության իրադարձությունների շրջանակներում, այլ դրանք քննարկեց տարածաշրջանի իրադարձությունների հետնախորքի վրա: Մի հանգամանք, որն առավել գնահատելի էր և ընդունելի եվրոպական և ռուսական պատմագիտական շրջանակներում:

Կ. Եզյանի պատմագիտական ժառանգությունը: Եզյանը մեր պատմագիտության մեջ քիչ ուսումնասիրված հեղինակներից է: Հայագիտության մեջ Կ. Եզյանի առաջին ուսումնասիրությունը «Հին Հայաստանի ներքին կյանքը» աշխատությունն էր, ուր հեղինակը քննարկում է հին Հայաստանի պատմությանը վերաբերող կարևոր շատ հարցեր⁵⁵:

Եզյանն իր դարաշրջանի հզոր անհատականություններից էր. չկար ժամանակի առավել կամ պակաս հուզող հարց, որը նրա կողմից հատուկ ուսումնասիրության չարժանանար: Իսկ ժամանակի հրատապ հարցերից մեկը հայ եկեղեցու միասնականության խնդիրն էր, որին Կ. Եզյանը նվիրեց երկու ուշագրավ ուսումնասիրություններ⁵⁶:

Կ. Եզյանը միաժամանակ գիտության կազմակերպիչ էր: Լինելով արդեն երկու ուշագրավ առաջաբանների հեղինակ, նա շարունակում էր հայագիտական բեղուն գործունեություն ծավալել: Նրա ուշագրավ հրատարակություններից է «Ս. Էջմիածնի Մայր աթոռի և ռուսաց կառավարության հարաբերությունների ծագումը» աշխատությունը, որտեղ հեղինակը պատմական ակնարկի տեսքով ցույց է տալիս հայոց Մայր աթոռի և Ռուսաստանի կառավարության հարաբերությունները Եկատերինա Բ կայսրուհու ժամանակներից սկսած⁵⁷:

19-րդ դարի վերջին սկսվում է Եզյանի հայագիտական գործունեության առավել հասուն և արգասավոր շրջանը: Այդ ընթացքում լուրջ տեղաշարժեր էին կատարվել հայագիտության բնագավառում, ի հայտ էին եկել պատմագիտական նոր ուսումնասիրություններ: Եզյանը ձեռնամուխ է լինում տասնամյակների մտորումներն ու մտահոգումները ընդհանրացնելու խնդրի իրականացմանը: Հենվելով աղբյուրագիտական հարուստ նյութի վրա, նա ստեղծում է իր որակի մեջ նոր ու արժեքավոր աշխատություն: 1898թ. Պետերբուրգում լույս տեսավ Կ. Եզյանի «Պետրոս Մեծի հարաբերությունները հայ ժողովրդի հետ» ծանրակշիռ ուսումնասիրությունը⁵⁸:

⁵⁵ Տե՛ս., Գ.Эзов, Внутренний быт древней Армении, СПб, 1859.

⁵⁶ Տե՛ս. Կ.Եզյան, Բռնի միութիւն հայոց Լեհաստանի ընդ եկեղեցիոյն հռովմայ, Ս.Պետերբուրգ, 1884 Կ.Եզյան Հովհաննես Դարդելի ժամանակագրություն հայոց, Ս.Պետերբուրգ, 1891

⁵⁷ Տե՛ս. Կ.Եզյան, Ս.Էջմիածնի Մայր աթոռի և ռուսաց կառավարության հարաբերությունների ծագումը, Թիֆլիս, 1904:

⁵⁸ Տե՛ս. Գ.Эзов, Сношения Петра Великого с армянским народом, СПб, 1898:

Աշխատության առաջին մասը Եզյանի ընդարձակ ներածական-ուսումնասիրությունն է՝ «Ակնարկ Ռուսաստանի կառավարության և հայ ժողովրդի հարաբերությունների մասին» խորագրով: Հրատարակությանն անձանոթ ընթերցողին կարող է քվալ, թե բնագրերին կցված են մեր ներկա հասկացությամբ սովորական ներածական և ծանոթագրություններ: Իրականում, Եզյանի ներածությունը զբաղեցնում է գրքի կարևոր մասը և փաստորեն ծավալուն ուսումնասիրություն է:

Պատմագիտական առումով առավել արժեքավոր է Եզյանի կապիտալական արշավանքին, 19-րդ դարի առաջին երեսնամյակում տեղի ունեցած կովկասյան պատերազմներին պատմությանը նվիրված բաժինները: Իր գրքի վերջին բաժինը Եզյանը նվիրել է արևմտահայության հիմնախնդրին, քննարկել 1877-78թթ. ռուս-թուրքական պատերազմի արդյունքները: Այստեղ էլ հստակվում է Եզյանի պատմագիտական լայն ընդգրկումը: Լինելով ամբողջովին արևելահայ իրականության ծնունդ, Եզյանի ուշադրությունից չվրիպեցին նաև համահայկական խնդիրները՝ Արևմտյան Հայաստանն իր դժվարին ու դրամատիկ կյանքով:

Կարապետ Եզյանի գիրքը ժամանակին լույս տեսավ: Այն ժամանակ, երբ դարավերջին ռուսական մամուլում հակահայկական հողվածներ էին հրապարակվում, Եզյանի աշխատությունն իր անաչառ վավերագրերով հավոր պատշաճի պատասխան էր այդ կեղծ ու խեղաթյուրված հրապարակումներին:

ԵՐՐՈՐԳ ԳԼՆՈՒՄ «ՆԱՅՈՑ ԴԱՏՈՒԹՅԱՆ ՀԱՐՑԵՐԸ 19-ՐԴ ԳԱՐԻ ԱՌԻՍԱԿԱՆ ՄԱՄՈՒԼԻ ՀՐԱՊԱՐԱԿՈՒՄՆԵՐԻՄ»
քննության է առնված ռուսական մամուլի Հայաստանին և հայոց պատմությանը նվիրված հրապարակումները:

Ինչպես հայտնի է, 18-րդ դարի վերջերից Անդրկովկասը, այդ քվում և Հայաստանը հայտնվեց Ռուսաստանի արտաքին քաղաքականության առաջնահերթ ծրագրերում: Ռուսաստանում աճեց հետաքրքրությունը տարածաշրջանի նկատմամբ: Արևելյան շուկաները դուրս գալու և Անդրկովկասում ամրանալու իր քաղաքականությունը իրականացնելու գործում, ինչ խոսք, Ռուսաստանի համար լավագույն դաշնակիցը հայերն էին: Առաջին հերթին դա պայմանավորված էր հայերի ընդգծված ռուսական կողմնորոշմամբ, ինչպես նաև Թուրքիայի ու Պարսկաստանի լծից ազատագրվելու և հանձին Ռուսաստանի կայուն դաշնակից ունենալու հանգամանքով: Այլ խոսքով՝ ռուսական կայսրության ռազմաքաղաքական ծրագրերը համընկնում էին հայ ազատագրական շարժման ձգտումներին: Այդ պատճառով էլ Ռուսաստանում գնալով աճում էր հետաքրքրությունը իր դաշնակցի՝ Հայաստանի ու հայ ժողովրդի, նրա հարուստ պատմության նկատմամբ: Ռուսի ինչպես մինչ Արևելյան Հայաստանը Ռուսաստանին միացումը, այնպես էլ պատմական այդ իրադարձությունից հետո, 19-րդ դարի ռուսական մամուլը առատ է Հայաստանի մասին նյութերով:

Ներկայացնելով հայոց պատմությանը վերաբերող հիմնական հրապարակումները, մենք առավելապես հետամուտ ենք եղել երկու կարևոր հանգամանքի. նախ, թե ինչ չափերով և որ գլխավորն է, ինչ խորությամբ են լուսաբանվել հայոց պատմության հիմնահարցերը: Եվ երկրորդ, ջանացել ենք դիտարկել, թե հայագիտության համար ինչպիսի արժեք են ներկայացնում այդ հրապարակումները:

Անշուշտ, պետք է նկատի ունենալ, որ ռուսական այդքան հարուստ ու բազմաբանակ պարբերականների առկայության պայմաններում հնարավոր չէ անդրադառնալ հայոց պատմությանը նվիրված բոլոր հրատարակումներին: Ուստի մենք առավելապես անդրադարձել ենք ռուսական մամուլում զետեղված այն հրատարակումներին, որոնք բնութագրում և ամբողջական են դարձնում հայագիտական նյութերի հիմնական թեմատիկան: Այդ իմաստով, առանձնակի ու մանրամասն ուսումնասիրել ենք հատկապես պատմական ուղղվածություն ունեցող ռուսական պարբերականները:

Հարցի լուսաբանումը դյուրացնելու նպատակով բազմաբնույթ ու բազմաբանակ այդ նյութերը ատենախոսությունում դասվել են առանձին թեմատիկ խումբ-հարցերի:

Նյութերի առաջին թեմատիկ խումբը վերաբերում է զուտ պատմական բնույթի հրատարակումներին: Դրանք ռուսական մամուլում զետեղված այն հոդվածներն են, որոնցում արժարժվում են հայոց պատմության ամենատարբեր հարցերը: Ճիշտ է, դարասկիզբը հայոց պատմության նյութերի ընդգրկման իմաստով այնքան էլ հարուստ չէ, այնուհանդերձ ռուսական մամուլում կարելի է հանդիպել այդ բնույթի ուշագրավ հրատարակումների: Ռուսական մամուլում զետեղված հայագիտական նյութերի մի մասն էլ վերաբերում են Հայաստանի սոցիալ-տնտեսական հարցերին: Բազմաթիվ հոդվածներ նվիրված են հայ եկեղեցուն և նրա պատմությանը: Դրանք հիմնականում հանրամատչելի բնույթի հրատարակումներ են, որոնք ռուս ընթերցողին ծանոթացնում են հայ եկեղեցու կանոնների և կյանքի հետ: Այդ բնույթի հետաքրքիր հոդվածներ են զետեղված հատկապես «ЖМВД» ամսագրում և վերնագրված է «Հայ գրիգորյանական եկեղեցին» խորագրով⁵⁹: Հայագիտական հոդվածների մի մասն էլ նկարագրական բնույթի են:

Սեզ հետաքրքրող հարցի թեմատիկ մյուս խումբը ներկայացնում են ռուսական պարբերականներում տեղ գտած այն հրատարակումները, որոնք գրի են առնված նոթերի և ռազմական հուշագրությունների տեսքով: Դրանք ռուսական մամուլում ամենից հաճախ հանդիպող հրատարակումներ են և իրենց բովանդակությամբ ու նյութերի ընդգրկմամբ ամենից հարուստ են: 19-րդ դարն այդ առումով առանձնանում է, քանի որ Հայաստանը դարձավ ինչպես ռուս-պարսկական, իսկ ավելի հաճախ նաև ռուս-թուրքական պատերազմների քառերաբեմ: Ռուսական մամուլում զետեղված են այդ պատերազմների մասնակիցների հուշերը, որոնցում ակնարկների ձևով շոշափվում է նաև հայոց պատմությանն ու Հայաստանին վերաբերող հարցեր: Դրանք առաջին հերթին ռուս սպաների այս կամ այն հաջողված ռազմական գործողության նկարագրումն ու փառաբանումն է: Հուշագրություններում զգալի թիվ են կազմում ռուս-թուրքական և ռուս-պարսկական պատերազմներին վերաբերող հրատարակումները: Այս առումով իրեն հավասարը չունի Կովկասին քաջաձանոթ, Նիկոլայ Նիկոլաևիչ Մուրավյով-Կարսկու հուշերը⁶⁰: Դրանք ընթերցվում են մեծ հետաքրքրությամբ և աչքի են ընկնում առաջին հերթին իրենց հավաստիությամբ: Այս ամենից հետո ուղղակի անհասկանալի է, թե ինչպես է, որ մեր պատմաբանների ուշադրությունից դուրս է մնացել

⁵⁹ Տես՝ Журнал МВД, 1843, N 3.

⁶⁰ Տես՝ «Русский архив»: 1886, N 1, 1881, N 11 և այլն:

պատմագիտական կարևոր այնպիսի մի բնագավառ, ինչպիսին հուշագրություններն են: Ավելին՝ ռուսական մամուլի ուսումնասիրությունը մեզ բերում է այն համոզման, որ հայոց պատմությանը վերաբերող հրատարակումների մեջ առավել առատ ու ավելի գնահատելին հուշագրություններն են, քան նրան նվիրված առանձին հոդվածները: Այս առումով Ն. Մուրավյովի նոթերը փոքրիկ դիպվածքներ նկարագրող հուշեր չեն միայն, այլև ունեն ժամանակաշրջանը և իրադարձությունները բնութագրող պատմական տեղեկատվության բնույթ:

Ռուսական մամուլի էջերում բավականին մեծ թիվ են կազմում նաև ռուսական բանակի և պետական հայազգի նշանավոր գործիչներին /Մ. Լորիս-Մելիքով, Վ. Բեհրուսով, Վ. Մադաթով, Մ. Արդոթյան -Երկայնաբազուկ և ուրիշներ/ նվիրված հրատարակումները: Որպես կանոն, այդ հրատարակումներում բարձր են գնահատվում նրանց ռազմական և պետական ծառայությունները: Այդպիսի հոդվածների կարելի է հանդիպել ռուսական ամենատարբեր ամսագրերում:

Եվ, վերջապես, առավել կարևորություն են ներկայացնում ռուսական պարբերականներում զետեղված այն հրատարակումները, որոնք վերաբերում են տարածաշրջանում Ռուսաստանի քաղաքականության բնորոշմանը, և որ ամենից կարևորն է՝ արևմտահայության հիմնահարցի լուսաբանմանը: Այդ բնույթի հրատարակումները ատենախոսությունում նույնպես ներկայացված են առանձին բաժնով:

Հարցը բնականաբար հավասարապես հուզում էր եվրոպական տերություններին, իսկ Ռուսաստանին առանձնապես: Ուստի խնդրի առնչությամբ՝ որոշ հրատարակումներում մանրամասն ու հանգամանորեն, որոշ տեղերում համառոտ ու հպանցիկ անդրադարձ էր կատարվում Արևմտյան Հայաստանի ու արևմտահայության հիմնահարցին: Այդպիսի հրատարակումներ ռուսական մամուլում հայտնվեցին Բեռլինի վեհաժողովից անմիջապես հետո, երբ դեռ ռուսների մոտ թարմ էր պատերազմում տարած իրենց հաղթանակների, իսկ առավել ևս դիվանագիտական դաշտում կրած պարտության տպավորությունը: Ռուսական մամուլի շատ օրգաններ անդրադարձան Արևմտյան Հայաստանում թուրքական իշխանությունների կողմից սանձազերծած հայկական կոտորածներին: Սակայն «Вестник Европы»-ն այդ հարցում ցուցաբերեց հայ ժողովրդի ցավն ու տառապանքն ըմբռնելու բացառիկ կարողություն: Այդ են հաստատում ամսագրում տպագրված հոդվածները⁶¹:

Հայկական կոտորածներին անդրադարձավ և թուրքական իշխանություններին խստորեն դատապարտեց նաև «Русская мысль», ամսագիրը: Բավականին ուշագրավ հոդված է զետեղված ամսագրի 1896թ. վերջին երկու համարներում՝ «Եվրոպան և Թուրքիան հայկական հարցում» վերնագրով: Հեղինակը ճիշտ է նկատում, որ հաշտվելով եվրոպական ցամաքում իր տարածքների կորստյան հետ, թուրքերն ամուր կառչեցին իրենց ասիական տիրույթներից և եթե եվրոպական մասում «նրանց ոտքի տակի հողը գնաց, ապա ասիական մասում նրանք որոշել էին ցուցադրել իրենց վայրագ ողջ

⁶¹ Տես. «Вестник Европы», 1895, N 7, էջ 372-373:

հզորությունը»⁶²: Իսկ Եվրոպա⁶³ն, հարցնում է հեղինակը և պատասխանում. «Թուրքիան նույնիսկ այս վիճակով հարկավոր է Եվրոպային: Դժվար չէ նկատել, որ ինքը՝ Եվրոպան, միջոցներ չի խնայում հենապույունը դնելու Օսմանյան կայսրության խարխուլ հիմքերը ամրացնելու համար...»⁶³: Հեղինակը միաժամանակ նշում է, որ «համաեվրոպական քաղաքականության տեսանկյունից, դարի հրատապ հարցերի կողքին, հայկական հարցն այնքան փոքր է երևում, որ իմաստուն դիվանագետը առանց ժպիտի չի կարող խոսել նրա մասին»⁶⁴:

Հայկական հարցի մասին բավականին ուշագրավ հոդվածներ են գտնվում նաև «Մշակ» թերթում, որոնք արտատպված էին ռուսական պարբերականներից: Հարկ է նշել, որ «Մշակն» իր էջերում բազմիցս արձագանքել է Հայաստանին նվիրված ռուսական մամուլի հրապարակումներին, երբեմն էլ ամբողջովին արտատպել ուշադրության արժան հրապարակումները: Որպես կանոն, բաժինը վարում էր խմբագիր Գ. Արծրունին:

Ռուսական պարբերականների ուսումնասիրությունը մեզ բերում է նաև այն համոզման, որ արևելյան հարցի մասին հրապարակումներն ու խորհրդածությունները որպես կանոն, երևան էին գալիս կամ ռուս-թուրքական պատերազմի նախօրեին կամ էլ բուն պատերազմի տարիներին: Այսինքն այն ժամանակ, երբ բնականաբար, կրկին հրապարակ են գալիս Թուրքիայի տիրապետության տակ հեծող ազգությունների իրավիճակի հարցերը: Այդ առումով հետաքրքիր հոդվածաշար է տպագրել «Русская старина» ամսագիրը⁶⁵:

Իհարկե, ռուսական մամուլում ամենուր չէ, որ հանդիպում ենք հայանպաստ հոդվածների ու հրապարակումների: Նրանց կողքին, անշուշտ, կան նաև այնպիսիները, որոնց վրա ցարիզմի գաղութային քաղաքականության կնիքն է, նկատվում է քննարկված հարցերի նկատմամբ միակողմանություն և փաստերի խեղաթյուրում: Այդպիսին են օրինակ, Կ. Բորոգոլինի հրապարակումները⁶⁶:

Միաժամանակ, հարկ ենք համարում նշել, որ 19-րդ դարի ռուսական մամուլը մեզանում հատուկ ուսումնասիրության առարկա չի դարձել, թեպետ նրա առանձին հրապարակումներ տեղ են գտել հայ-ռուսական հարաբերությունների պատմությանը նվիրված ուսումնասիրություններում

Վ Ե Բ Զ Ա Բ Ա Ն ՈՒ Մ հանրագումարի են բերված ատենախոսության հիմնական դրույթները, որոնք հիմնականում հանգում են հետևյալին.

- Բարձր գնահատելով հայ պատմաբանների կողմից կատարված աշխատանքը, որի շնորհիվ ստեղծվեց հայ-ռուսական հարաբերությունների պատմության գիտական հարուստ գրականություն, այնուհանդերձ, պետք է նշել,

⁶² Տես «Русская мысль», 1896, N 11, էջ 109:

⁶³ Նույն տեղում:

⁶⁴ Նույն տեղում, էջ 110:

⁶⁵ Տես. «Русская старина», 1876, N 10:

⁶⁶ Տես «Русский вестник», 1891, «Наблюдатель», 1885, N 5.

որ այդ պատմությանը վերաբերվող ոչ բոլոր բնագավառներն են հավասարաչափ ուսումնասիրվել: Ասվածը հատկապես վերաբերում է հայագիտական հարցերի ուսումնասիրությանը: Այս իմաստով, խնդր առարկա հարցը պատմագիտական առումով մեզանում հիմնարար ուսումնասիրության չի ենթարկվել: Բացակայում է նաև Ռուսաստանում հայագիտական ռուսական դպրոցի ամբողջական պատմության ուսումնասիրությունը:

- Մինչ օրս լույս տեսած պատմագիտական գրականության մեջ ռուս և հայ պատմաբանները քննարկվել ու աստիճանավորվել են այնքանով միայն, որքանով հետաքրքրություն են ներկայացրել և առնչվել իրենց թեմաներին, հատկապես երբ հարցը վերաբերել է Արևելյան Հայաստանը Ռուսաստանին միացմանը: Ընդ որում, որպես կանոն, ռուս պատմագիտական միտքը ներկայացվել ու քննարկվել է միևնույն հայեցակետային ելակետերից և միայն ընդհանուր գծերով: Ավելին, նրանց միջև տարբերակում չի դրվել: Մինչդեռ, թեպետև նրանց ուսումնասիրություններում առկա են մոտեցումների ու տեսակետների որոշ նմանություն, այնուհանդերձ, նրանցից յուրաքանչյուրի գիտական ժառանգության մեջ կան բազում տարբերություններ, ինչն ավելի անհրաժեշտ է դարձնում նրանց պատմագիտական ժառանգության նկատմամբ հետաքրքրությունը:

- 19-րդ դարում Ռուսաստանում հրատարակված հայագիտական ուսումնասիրություններում պարունակող ընդհանրացումներն ու փաստական հարուստ նյութը մեծապես օգնում են հայոց պատմության ռառանձին հարցեր և իրադարձություններ նորովի մեկնաբանելու խնդրում: Դրանում է կայանում ներկա ուսումնասիրության գլխավոր խնդիրը, որքանով է այդ գրականությունն օգնում հայոց պատմության առանձին հարցերի ուսումնասիրությանը: Զննարկելով 19-րդ դարի հայագիտությանը վերաբերող գրականությունը, ավելի ամբողջական ու առարկայական է դառնում Ռուսաստանում նրա զարգացման միտումները:

- 19-րդ դարի առաջին կեսին կովկասյան տարածաշրջանը նախկինի պես շարունակում էր մնալ ռուս հետազոտողների ուշադրության ոլորտում: Ավելին, Ռուսաստանում գնալով նկատելի էր դառնում տեղի ժողովուրդների պատմության հանդեպ հետաքրքրությունը, որն առաջին հերթին թելադրված էր երկրամասում իր դիրքերն ամրապնդելու անհրաժեշտությանը: Պատմագիտական նյութերն այստեղ քննարկվում էին տեղի ժողովուրդների կենսապայմանների, աշխարհագրական միջավայրի, տնտեսությանը վերաբերող հարցերին գուզահեռ:

- Դարի առաջին կեսի հայագիտական հետազոտությունները գիտականության տեսակետից անհամեմատ սահմանափակ վերլուծություններ էին և աչքի չէին ընկնում հայագիտական հստակ հարցադրումներով ու մեկնաբանություններով: Ուսումնասիրությունների զգալի մասը սակ նկարագրական բնույթ էին կրում: Բավականին սահմանափակ էր նաև հայագիտական հարցերով զբաղվողների թիվը: Ուստի հայագիտական ծանրակշիռ հետազոտությունների մասին այդ ժամանակաշրջանում դեռևս խոսք լինել չէր կարող: Մյուս կողմից սակայն, հայագիտական ուսումնասիրությունների վերլուծությունը ցույց է տալիս, որ ռուս հեղինակներն աշխատում էին հաղթահարել նախորդ ժամանակաշրջանների

ճանապարհորդական - ճանաչողական նոթերի մտայնությունը, ձգտում էին հարցերին մոտենալ պատմական զարգացման տեսանկյունից:

- 19-րդ դարի առաջին կեսին Ռուսաստանում հայագիտական արդյունավետ գործունեություն ծավալեցին մաև ռուսական դպրոցն անցած հայ հեղինակները: Նրանց աշխատանքներին առաջին հերթին բնորոշ էր հայոց պատմության պատմա-քննական վերլուծությունը, նկատելի էր նաև աղբյուրների ու գրականության անհամեմատ լավ իմացությունը: Ի տարբերություն նույն ժամանակի ռուս հետազոտողների, հայ հեղինակներն ունեին աղբյուրագիտական որոշակի պատրաստվածություն: Եվ թեպետ 19-րդ դարի սկզբի հայ հեղինակների հայագիտական հետազոտությունների մի մասը նկարագրական բնույթի գործեր էին, սակայն միաժամանակ փորձեր կատարվեցին հայոց պատմությունը քննական տեսքով ներկայացնելու համար:

- Հատկանշական է, որ եթե դարասկզբի ռուս հեղինակները հայոց պատմությանն անդրադառնում էին ամենից առաջ Ռուսաստանի ռազմա-քաղաքական նպատակների ու շահերի տեսանկյունից, ապա հայ հեղինակներն իրենց խնդիրը տեսնում էին Հայաստանի պատմական հարուստ անցյալի հերոսական էջերը ռուս ընթերցողին ներկայացնելու մեջ: Շեշտը դրվում էր հայոց պետականության պատմության, Առաջավոր Ասիայի քաղաքական իրադարձություններում նրա խաղացած որոշակի դերի վրա:

- 19-րդ դարի երկրորդ կեսին հայագիտությունը Ռուսաստանում զգալի առաջընթաց ապրեց: Նկատելիորեն աշխուժացան այդ ուղղությամբ ստեղծվող աշխատանքները, որոնք առանձնանում էին թե իրենց ծավալով և թե գիտական խորությամբ: Հատկանշական էր նաև, որ ռուս ուսումնասիրողներն արդեն բավականին քաջատեղյակ էին Հայաստանի պատմական անցյալին և ունեին աղբյուրագիտական բավարար պատրաստություն:

- 19-րդ դարի երկրորդ կեսի հայագիտական ուսումնասիրությունների վերլուծությունը ցույց է տալիս, որ ռուս հեղինակներն առաջին հերթին փորձում էին բացահայտել Հայաստանի պատմական զարգացումը, անդրադառնալ հասարակական տնտեսական կյանքի, հարևան ժողովուրդների հետ ունեցած հարաբերությունների, մշակույթի հարցերին: Զգալիորեն ընդարձակվեց նաև հայագիտական ուսումնասիրությունների թեմատիկան: Հին Հայաստանի, հայ-ռուսական հարաբերությունների պատմության հարցերի կողքին, ուսումնասիրության նոր թեմա է դառնում արևմտահայության իրավիճակն ու հայկական հարցը:

- 19-րդ դարի երկրորդ կեսին հայոց պատմության հիմնահարցերը համակողմանի և մանրամասն ուսումնասիրության արժանացան մաև Ռուսաստանում հայագիտական գործունեություն ծավալած հայագիտական հեղինակների կողմից: Նրանց հետազոտությունների արդյունքում Ռուսաստանում ամբողջական դարձավ հայոց պատմության ուսումնասիրությունը: Նշելով հայկական աղբյուրների համաշխարհային նշանակությունը, հայ հեղինակները ռուս և օտար գիտական հասարակայնությանը հասցրին այն կարևոր միտքը, որ հայկական աղբյուրներից կարելի է ուշագրավ տեղեկություններ ստանալ Առաջավոր Ասիայի պատմության մասին: Հայագիտական հեղինակների ուսումնասիրությունների շնորհիվ Ռուսաստանում ստեղծվեցին հայագիտական հետազոտությունների նոր կենտրոններ, որոնք կանխորոշեցին նրա հետագա զարգացումը:

- 19-րդ դարի ռուսական մամուլում քիչ չեն Հայաստանի ու հայերի, հատկապես հայկական հարցի հետ առնչվող հրապարակումները: Գարաշքջանի ռուս-թուրքական և ռուս-պարսկական պատերազմները, արևմտահայության դրամատիկ իրավիճակն ու կոտորածները, Հայաստանի սոցիալ-տնտեսական հարցերը լայնորեն լուսաբանվել են ռուսական պարբերական մամուլում: Չուտ պատմագիտական իմաստով, առավել ևս ժամանակի առումով այդ հրապարակումներն, անշուշտ, արժանի են գնահատության: Նրանցից յուրաքանչյուրն իր որոշակի դրական նպաստը բերեց հայ ժողովրդի մասին հասարակական կարծիքի ու տրամադրությունների ձևավորման խնդրում:

Ատենախոսության հիմնական դրույթները շարադրված են հեղինակի հետևյալ աշխատանքներում.

1. Հայոց պատմության հիմնահարցերը 19-րդ դարի ռուսական մամուլի հրապարակումներում: Մենագրություն, Երևան, 1998:
2. Կ.Եզլանի պատմագիտական ժառանգության գնահատման հարցի շուրջ: «Պատմաբանասիրական հանդես», 1998, N 1-2, էջ 95-105:
3. Մի էջ Արևելյան Հայաստանը Ռուսաստանին միացման պատմությունից /Երևանյան առաջին արշավանքը ականատեսի նկարագրությամբ/: «Լրաբեր» հասարակական գիտությունների, 1998, N 1, էջ 128-138:
4. Գիրքը դարի խորքից. «Եղբայրական օգնությունը...» 100 տարեկան է: «Պայքար» ամսագիր, 1998, N 1, էջ 57-64:
5. Քերովբե Պատկանյանի պատմագիտական ժառանգության շուրջ: «Լրաբեր» հասարակական գիտությունների, 1999, N 1, էջ 86-92:
6. Ի.Շուպենի պատմագիտական ժառանգության գնահատության հարցի շուրջ: «Բանբեր Երևանի համալսարանի», 1999, N 1, էջ 142-146:
7. «Ռուսկի արխիվ» և «Ռուսկայա ստարինա» հանդեսները Հայաստանի 19-րդ դարի առաջին կեսի ռազմաքաղաքական դրության մասին: «Պատմաբանասիրական հանդես», 1999, N 2-3

ОГАНЕСЯН АЙКАЗ ЖОРАЕВИЧ

Историческая наука в России в XIX веке. / Арменоведение /
Диссертация на соискание ученой степени доктора
исторических наук

По специальности 07. 00. 01- История Армянского народа
Защита состоится 28 декабря 1999г. в 12⁰⁰ часов по адресу
ул.Баграмяна 24^Г на специализированном совете Института
истории НАН РА.

РЕЗЮМЕ

На переломных этапах истории Армении, когда вопрос политической ориентации страны приобретает решающее значение, возникает необходимость оценки пройденного пути, осмысления уроков истории. Естественно, исторические события последних веков наводят нас на размышления об общности политических интересов и целей армянского и русского народов, интересов Армении и России в целом.

В диссертации впервые делается попытка представить и обобщить созданную в XIXв. в России арменоведческую историческую литературу, тенденции и направления ее развития. Высоко оценивая работу армянских историков, в результате которой была создана богатая научная литература по истории армяно-русских отношений, тем не менее следует отметить, что данная проблема не стала предметом специального исследования.

Настоящая диссертация посвящена изучению различных аспектов данной темы, что нашло отражение в ее введении, трех главах и заключении.

Во введении - обоснованы актуальность проблемы, ее научная новизна и практическое значение, определены ее цели и задачи, степень изученности рассматриваемой проблемы.

В первой главе - "Арменоведение в России в первой половине XIXв." Рассматриваются тенденции развития арменоведения в России, анализируются основные арменоведческие работы русских авторов. В начале века Восточная Армения была присоединена к России. Естественно, вошедшие в новое русло экономические, политические и культурные связи должны были отразиться в работах русских авторов. Поэтому изучение исторических связей армянского и русского народов, а также истории Армении в целом, в России было обусловлено существенными сдвигами, имевшими место в истории армяно-русских отношений в начале XIX в.

В главе выделены следующие проблемы: древняя Армения в работах русских авторов и изучение истории армяно-русских отношений в оценках русских историков. В этой связи следует особо отметить работы основателя русской арменоведческой школы С.Н. Глинки.

В главе также рассматриваются труды армянских авторов /Е. Хубов, Я. и Д. Арзановы, Ал. Худабашев/, работы которых были опубликованы в России на русском языке. С другой стороны, в арменоведческих изданиях первой половины XIX в. проблемы истории

Армении были охвачены не полностью и не стали предметом глубокого изучения.

Вторая глава - диссертации "Арменоведение в России во второй половине XIX в." посвящена историко-критическому анализу созданной в России во второй половине XIX в. арменоведческой литературы. Пореформенный период в России ознаменовал собой новый этап развития исторической науки. Заметные сдвиги произошли также в области арменоведения. Появились заслуживающие внимания исследования, посвященные Армении и ее истории. Причем изучение истории Армении привлекло внимание не только русских историков-кавказоведов, но и других представителей русской общественной и историографической мысли. Эти исследования внесли значительный вклад как в целостное изучение истории Армении, так и в научную разработку и изучение ее отдельных проблем. Русские авторы определенно содействовали и формированию общественного мнения и настроений в отношении армянского народа. В результате этих исследований широкие слои русской общественности смогли довольно обстоятельно узнать о судьбе армянского народа, о его богатой истории и освободительной борьбе. Многие из них, кроме научной ценности, имеют также большое познавательное значение.

В главе выделены следующие проблемы; изучение древней и средневековой истории Армении в трудах русских авторов, арменоведческие материалы в исследованиях русских историков, посвященных Кавказу и кавказским войнам /П.Бутков, Н. Дубровин, В. Потто и др./, Западная Армения и Армянский вопрос в работах русских авторов.

Развитие арменоведения в России во второй половине XIX в. было обусловлено не только работами русских авторов. XIX век оказался плодотворным также для армянских авторов, прошедших русскую историографическую школу /М. Эмин, К. Патканов, Г. Эзов /. Прогресс наблюдается в плане как обогащения тематики, так и научной глубины.

В третьей главе - "Вопросы истории Армении в русской периодической печати XIX в." рассматриваются те публикации в русской периодике, которые характеризуют и обобщают главную тематику арменоведческих материалов: какие именно темы представлены и насколько они освещены в русской периодике. В этом аспекте подробно была изучена русская историческая периодика. Особо выделены те публикации на страницах русской периодики, которые соприкасаются с российской политикой в регионе и проблемами западных армян.

В заключении обобщены основные выводы диссертации.

Г. Г. Глинки